

bi incarnatiō posita non in vnitate naturæ: sed in vnitate personæ: contemnemur enim duas Christi naturas, vnicam vero hypostasim. Hæc porro vno persimilis est quarto vniōis generi: Namq; humana natura diuino stipite, hoc est, diuina Verbi hypostasi sustentatur: qua eadem diuina natura nititur.

OBIICIT nobis Eutyches. In Christo est vnitas personæ, est igitur vnitas naturæ: namque quæque natura peculiarem sibi vendicat hypostasim: quo efficitur, ut multitudo naturarum multitudinem hypostaseon requirat: quarecum Christi vnicā afferatur hypostasis, relinquuntur ipsius vnicam afferendam esse naturam.

AD hæc nihil vnum esse dicitur ex duobus, nisi illa duo vnum confiant:

Aug. de Trin. l. 13. ca. 17. At Christus vnum est quiddam ex duabus naturis: teste Aug. 13. de Trinitate libro. c. 17. quo loco ita ait. Sic Deo coniungi potuit humana natura ut ex duabus substatijs fieret vna persona: humana igitur natura & diuina in Christo in vnum coalescant & coeunt: quéadmodum anima: & corpus in homine, quod ipsius testari videtur Athanasius, inquiens: ut anima rationis particeps & caro vnu se est homo, ita Deus & homo vnu est Christus: At homo est vnum quiddam ex duabus naturis in vnum coeuntibus conflatum: Christus igitur est vnuus duabus naturis in vnam redactis: ac quasi inter se conciliatis.

Cof. 2. AD DE quia humana natura diuinitati est coniuncta: Etenim authore D. Paulo, in Christo inhabitat plenitudo diuinitatis corporaliter, hæc vero inhabitatio advnionem pertinet: Et igitur diuinitas carni Christi coniuncta: ac proinde hæc summa coniunctio naturarum quædam est copulatio.

HÆC facile diluuntur. Nam quod primum nobis hæreticus obiectat, sic esse accipiendum putamus. Quæq; natura vendicat sibi peculiarem hypostasim: nisi assumatur ad esse alterius personæ, sic autem res hebet in reproposita. Nam humana natura ad esse personale Verbi diuini assumpta est: Id quod est à nobis post explicandum.

SECUNDVM argumentum ita diluitur ut dicatur, Christum esse vnum ex duabus naturis nō quidem compositione: ita s. vt illud vnum sit ex vtraq; natura perfectum: sed dicitur vnum ex duabus naturis per exigentiam, hoc est quia Christus effectus est duplicitis naturæ: est enim duplii natura preditus: & in duabus naturis subsistens.

EST tamen hoc loco diligenter annotadum, non abnuere Eutychem Christum ex duabus esse naturis: non tamen dare Christum in duabus naturis

subsi-

subsisteret, illud enim significat Christi personam esse ex duabus naturis in unam essentiam coeuntibus compositam: hoc vero declarat duas naturas ita in Christo conuenisse, ut utraq; citra confusione Verbi hypostasi sustentetur. QVOD attinet ad tertium argumentum, concedimus humanam naturam esse cum diuina copulatam: negamus tamen unitatem naturae. Esse porro humanam naturam cum diuina coniunctam, hinc constat, quia natura humana in diuina persona Verbi existit, in qua eadem existit diuina natura. Quo efficitur ut quod diuinę Verbi hypostasi coniungitur: coiungatur etiam natura. Ex quo iam intelligitur tam personam, quam naturam Verbi esse terminum unionis, diuersa tamen ratione, nam Verbi persona unionem per se ac primum terminat, ut quae personaliter in humana natura subsistat: at natura & essentia Verbi per se illa quidem terminat unionem, non primum tamen, sed quatenus personae filij per identitatem coniungitur, inquit ipsa existit. Hæc est orthodoxorum patrum sententia, ac Decretum.

## Quæstio. II.

*Vtrum diuina natura iungatur humano*

*ceu actus et forma?*

**V**ERSATVR tamen in controversia. An nne diuina Verbi natura sit coniuncta humanitati Christi, ut forma interna comunicans ac largiens esse diuinium? Ioannes Ripa non vulgari eruditione, & ingenio Theologus, ut est apud Cap. affirmantem questionis partem multis argumentis tuetur. Principio ita argumetur. De sententia D. Pauli. In Christo inhabitat plenitudo diuinitatis corporaliter, hæc vero inhabitatio ad unionem pertinet, est igitur diuinitatis plenitudo carni Christi, animo scilicet & corpori per unionem coniuncta. Hæc vero diuinitatis plenitudo essentiam declarat, qua distinguitur à persona: quae ipsa essentia qua huiusmodi, est forma & natura. est igitur diuina essentia in esse formæ, & naturæ communicata carni Christi: natura igitur diuina rei corporeæ potest esse forma.

ITEM diuina natura coniuncta est humanitati: & contra humanitas diuinitati: aut igitur in esse diuinitatis: aut solum inesse personæ: si prius illud datur, est igitur in esse formæ diuinitas humanitati coniuncta: si posterius illud conceditur: igitur Christus non est homo Deus. Namque huiusmodi unio non valet efficere hominem Deum. Etenim uniri diuinitati in esse personæ præcise, non valet ad tribuendam alicui diuinitatis appellationem: Neque

Cap. 3.  
sent. d. 5.  
q. 2.  
Colos. 2.

Verbum ipsum dicitur Deus per personalitatem præcise: sed per diuinam essentiam.

ADDE quia si esse Hypostaticum diuinum est cum re creata cōmunicabile: relinquitur ut esse essentiæ & naturæ sit cōmunicabile. Namq; esse personale minus videtur esse cōmunicabile: siquidem iuxta omnium sententiam persona sit incōmunicabilis substantia: contra vero essentia, & natura cōmunicabile quiddam esse: quare si Hypostaticum esse potuit cōmunicari, non est, cur esse essentiæ non possit cōmunicari.

A Dhæc si huiusmodi cōmunicatio fieri non posset: hoc inde vel maxime proficisceretur: quia ad huiusmodi coniunctionem nulla esset in humana natura habilitas: & aptitudo: Hinc tamen non proficiscitur, nam huiusmodi potentia est obedientialis, non naturalis: est igitur tota in efficientiæ vi ac potestate collocata, quemadmodum igitur vi diuina effectum est ut humana natura ad esse personale assumeretur: ita & eadem vi effici potuit, vt res creata ad esse diuinitatistraheretur.

ACCREDIT quia omnis rei creatæ perfectio Deo tribuenda est, summe tamen & excellenter: pertinet autem ad perfectionem formæ interno quodam influxu in rem cui coniungitur influere: influit autem quatenus tribuit essentiam, est igitur & hoc ipsum naturæ diuinæ formæ alioqui præstantissimæ tribuendum.

NOSTRA sententia huic est contraria. Etenim diuina natura nullo modo potest esse forma interna rei creatæ, tribuens illi esse. Huic porro assertioni quo fidem facimus: illud principio constitutum esse volumus inter esse inter formam secundum materiam acceptam, & inter formam acceptam in esse formæ, id est, ea ratione qua forma est: Ac forma secundum materiam accepta, est illa natura: illaue entitas sive substantia, que alioqui forma est. Forma vero formaliter accipitur cum id expenditur, quod ipsi conuenit ea ratione, qua est forma.

PORRO formæ, qua forma est, quatuor potissimum de sententia Arist. cōueniunt. scilicet species, entitas, unitas, actuatio sive perfectio. Etenim forma ei rei cui coniungitur speciem largitur ut author est Arist. secundo Physiologiarum libro, res enim naturalis, inquit, esse naturale consequitur ex forma & tale esse, humanum scilicet & equinum ex tali forma: vnde & forma ab eodem largitur, hoc est, species appellata est, ob id scilicet, quia speciem materię, atque adeo toti ipsi, quod ex coniunctione ipsius cum materia conficitur, largiatur. Esse vero, & esse unum ex forma, forma inquit quae est altera rei compositæ pars, profici sci tradit

Arist.

Arist. octauo primæ philosophiæ libro: quo loco inquit hoc intereste inter substantias & naturas expertes materiæ & participes materiæ: quoniam illarum quæque ex se estens & vnum: Neq; aliunde entitatem, vnitatem vè consequitur. At natura ex materia ac forma constans, aliunde esse, & vnitatem consequitur, ex eo videlicet quod materiam ad actum ex potestate traduxit: hoc ipsum interne quidem est forma, quæceu entitas & vnitas materiæ adiungitur: externe vero est ipsum efficiens siue generans: & formā inducens.

Arist. g.  
Met.

HINC vī non obscure posse colligi, esse de Arist. sententia, principium internum individui esse formam ipsam èqua res naturalis esse, & vnum esse consequitur, externum vero ipsum efficiens: in hac eadem sententia est Dur. Dur. 2. f.  
2. sent. d. 3. q. 2. d. 3. q. 2.

AC formam rei cui adiungitur actum siue esse actu tribuere, ex eodem Ar. Arist. g.  
octauo Metap. libro intelligitur. Ait enim, id quod est vnum, & id quod est, Met.  
esse vnum, & idem: at forma largitur esse vnum, largitur igitur esse actu. Item eodem authore, forma largitur esse, at quodque etenim est actu, quantum estens: forma igitur efficit, ut quodque sit actu. Hisce quatuor formæ proprietatibus adiunguntur etiam hæ, nempe esse partem, esse componibile cum altero, & tertium aliquid efficere, &c.

HIS ita constitutis assertio aduersaria ita ostenditur. Forma sub esse formæ est pars cum re altera componibilis, & tertium aliquid efficit: hec vero diuinæ naturæ nullo modo possunt conuenire: Etenim pars componibilis cum re altera, naturam declarat imperfectam: at diuina natura est perfectissima: nō igitur potest esse pars alicuius ac proinde neque forma subesse formæ.

ITEM si diuina essentia adiungitur alicui ceu forma ipsius: necessario ex illa coniunctione efficitur vnum tertium: illa igitur tertia entitas, est ne Deus, an creatura? Si Deus componitur igitur Deus ex materia & forma, nempe ex diuina essentia: & creatura cui coniungitur Sin creatura, diuinum igitur esse formaliter conuenit creaturæ: namq; forma illi tribuit esse formaliter, cui adiungitur ceu forma: Hoc vero omnino fieri nequit, igitur, &c. Porro esse impossibile ut diuinum esse conueniat creaturæ, vel hinc maxime intelligitur: quia diuinum esse illi soli conuenit quod est ipsum esse: & habet ex se esse: iam vero creatura neq; est ipsum esse: neq; habet ex se esse, &c.

AD hæc: creaturæ hoc ipso, quo creatura est, conuenit esse definitum quiddam & angustum: igitur si creatura ob id diuinum esse consequitur, quia diuinata est ipsius forma interna: relinquitur, creaturæ conuenire esse finitum, & infinitum: id quod repugnat vehementissime.

AD-

ADDE quia princeps essendi causa non potest esse internum principium.  
 Arist. 2. essendi, nam authore Arist. 1. Phy. c. 3. forma & efficiens non incidunt in idem  
 phy. c. 3. numero, sed in idem vel genere vel specie: at Deus est princeps essendi causa:  
 ne impè qui omnibus esse impertiat, nulli igitur esse potest internum essendi  
 principium ac proinde nullo modo est forma alicuius.

ADIVNGE his quia partes sunt potentia si cum toto conferantur, si igitur  
 diuina essentia alicui ceu forma coniungitur: est igitur pars: ac proinde pote-  
 state quodammodo.

AD extremum, ut placet Arist. 8. Met. c. vltimo: Totum est aliquid præter  
 partes ex quibus constat: id igitur quod ex coniunctione diuinæ essentiae ceu  
 formæ existit, non est Deus. Etenim pars altera est Deus. Hęc vero omnia cū  
 sunt absurdissima: efficitur Ioannes Ripei assertione esse longe absurdiorē.

QVOD igitur ad primum argumentum attinet, concedimus diuinitatis  
 plenitudinem esse unitam humanitati Christi, ipsamq; diuinitatis plenitu-  
 dinem ad essentiam, formamq; attinere, negamus tamen consecutionem: si-  
 quidem ex re ac materia modus rei siue forma concludatur. Damus enim  
 diuinitatem esse coniunctam naturæ humanæ secundum rem, ac substantiam:  
 non tamen inde conficitur, esse eidem coniunctam in esse formę actuantis ac  
 perficientis. Neq; enim illud iam est necessarium, ut cum alicui rei forma co-  
 iungitur, eidem quatenus est forma, id est, in esse formaliter coniungatur. An-  
 imus siquidem hominis forma est, qui idem multis accidentibus coniungitur,  
 non tamen ea ratione qua est forma, sed ea ratione qua est materia. Item diui-  
 na vita coniuncta erat Christi corpori animo destituto, non tamen ipsius in-  
 teruentu Christicorpus vivebat, siquidem non erat Christi corpori coniuncta  
 ceu forma tribuens esse: Ad eundem modum, tametsi humanæ Christi  
 naturæ, sit diuina essentia coniuncta: non tamen actum ipsi tribuit, ceu for-  
 ma, ac per se primum.

HOC loco notandum est, id cui per se ac primum natura humana coniungi-  
 tur esse diuinam Verbi Hypostasim, quæ naturam humanam sustentat, que  
 ve in ipsa subsistit: per se vero, non primum natura humana diuinæ coniun-  
 gitur. Etenim ipsi coniungitur quatenus in eadem personacernitur. Quia igi-  
 tur hac summa & in explicabili vnione effectum est, ut una persona in dua-  
 bus naturis, diuina s. & humana subsisteret: dux vero illę naturę integrę, &  
 impermitem remanserint, idcirco Sancti patres confirmant, vnionem Verbi  
 incarnati ad personam, non itidem ad naturam pertinere: nisico, quem nūc  
 exposuimus, modo. Coeūt enim in una, zademq; persona diuina & humana  
 natura

natura: & hoc solum ratione, citra omnē tamen confusionē coniūguntur.

**SECUNDVM** argumentum variè explicatur. Est enim quatenus negamus naturam humanam esse coniunctam diuinę naturę in esse diuinitatis: & quatenus concedamus. Negamus quidem naturam humanam ita esse coniunctam diuinitati, ut diuinitatis coniunctę interuentu actum perfectionem vè consequatur, efficiaturq; diuina essentialiter: aut diuinitas ipsa sit per se ac primum terminus vnionis: concedimus tamen humanā naturam esse coniunctam diuinitati: quatenus est idem re ipsa quod persona diuina: que in eadē Hypostasi ambæ naturæ conueniunt. Quia igitur in Deo non est aliud esse personæ & aliud esse diuinitatis, idq; si esse absolutum spectetur, concedimus naturam humanam esse Verbo Dei coniunctam: cum in esse personæ, tum in esse diuinitatis, quādā in tamen consecutione. Cæterum si esse personę referatur ad personam, esse vero diuinitatis referatur ad essentiam: concedimus vniōnem esse effectam in persona, in diuinitate vero non item: eo s. modo quo vna natura dicitur cum altera copulari, vel quia vna in alterā commutatur: vel quia vna alterā perficit, & informat. Neq; tamen illud proinde efficitur, quod vult esse conjectum. s. ex huiusmodi cum persona coniunctione, non evadere hominem ipsum, Deum. Existimat enim aduersarius hominem illum eo diuinitatē esse consecutum: quia humana natura diuinitate ceu forma actuetur, quemadmodū & anima eo dicitur prudens quia prudētia ceu forma perficiatur: quæ tamen existimatio ac suspicio à vero abest quā longissime, sed idcirco homo ille dicitur Deus quia Verbum diuinū in humana natura subsistit, estq; natura humana ad esse personale diuinum: assumpta: quo effectum est, ut suppositum diuinum, sit etiam suppositū humānum & contra.

**TERTIVM** porrò argumentum ita diluimus, vt dicamus esse personale diuinū esse aliud nihil, quam ipsam diuinę Hypostasis subsistentiā. Ex quo iam efficitur, ut esse personale diuinum cum natura humana cōmunicari: nihil sit aliud quam diuinam subsistentiā cum ipsa cōmunicari: non quidem hoc patet quod humana natura, illa subsistentia formaliter subsistat, sitq; illa subsistentia actus humanæ naturæ: Nam subsistentia est actus suppositi subsistentis in natura: sed propterea diuini suppositi subsistentia dicitur esse cum humana natura cōmunicata: qui adiunum suppositū per esse subsistentię diuinum in ipsa subsistat. Non enim humana natura in Christo habet propriam, hoc est humanā subsistentiā sed coniungitur personæ ab æternitate subsistenti.

**QUARTO** argumento facile occurritur. Nulla enim vi diuina effici potest  
vt esse

ut esse diuinum cum re creatita cōmunicetur, ut sit re i create forma, & actus, quemadmodū supra demonstrauimus: Diuina tamen vis potest efficere, ut cōmunicetur cum creatura est diuinum, eo quem de cuimodo, hoc est, vniōne personali: quæ ipsa vno in potestate duntaxat coniungentis & assumentis positæ est.

**Q**VINTI argumenti facilis etiam est explicatio. Nam cum illa formæ perfectione summa est imperfectio coniuncta. scilicet partem, esse cum re componibilem: quæ ipsa naturam imperfectam, & certis essentiæ limitibus distinctam declarant. Hæc autem omnia nullo modo in diuinam naturam cadunt: quæ est ipsum esse.

### Quæstio. III.

**U**trum forma sic possit esse actus alicuius ut illud non informet, aut quiddam tertium cum eo non conficiat?

**Q**VONIAM verò Ripeus hic existimat diuinam naturam esse illam, quidem posse actum, ac perfectionem rei create, non tamen aut rem cretam formare, aut quādam sui cum illa coniunctione tertiam aliquam naturam conficere. Diluenda nobis sunt illa argumenta quibuscum efficere contendit, formam posse esse actum, siue actum rei alteri largiri: cum interim non informet, aut quiddam aliud constituat.

**A**RGMENATVR autem in hunc modum: Forma & cum materia, & cum re ex vtraq; natura composita confecta q; cōmunicatur: At cōmunicatio formæ cum materia differt à cōmunicatione eiusdem formæ cum re cōposita, innotata igitur formæ cum materia cōmunicatione, reliqua est formæ cum re composita cōmunicatio, potest igitur forma actum alicui tribuere: cū interim materiam non formet, & perficiat. Consecutio firma est: nam quæ differunt, se iungi ac secerni mutuo, quo ad existentiam possunt. Reliqua est assumptionis approbatio. Namq; forma est causa, ut dicitur, formalis rei cōpositæ: aut igitur ob id, quia est actus materiæ, aut rei compositæ, prius illud minime asserendū est: est igitur hoc posterius confirmandū.

**A**C prius illud nullo esse modo asserendū, hinc liquet: nam prius natura forma in materiam inducit ipsamq; perficit, quam ex ipsiuscum materia cōiunctione, res quæ dicitur composita efficiatur: fieri igitur potest ut materia formæ sit particeps cum interim cum re composita non cōmunicetur, non proinde igitur forma est causa rei compositæ, quia est actus materiæ. Antecedens vero illud ita ostenditur: causa rem effectā natura antecedit: At forma est

est causa rei compositæ, causa in qua formalis: prius igitur de materiae potestate producitur, quæ res composita existat: prius igitur natura est actus materiae quam rei composite.

**ACCREDIT** quia quando aliqua forma est actus duorum ordine quodam: nihil est incommodum cōmunicari ipsam formam cum priore: cum interim cū posteriore non cōmunicetur: at forma est actus materiae, & rei compositæ ordine quodam: nihil est igitur incommodum formam cum materia cōmunicari, cum interim cum re composita minime cōmunicetur. Hinc colligit Ripæus formam largiri actum rei alteri posse, cum interim ex sua cum re illa cōglutinatione, natura aliqua tertia minime existat.

**ITEM** prius illud nullo modo esse dandum hoc etiam argumento cōfirms. Nam tum forma non esset causa formalis materiae: sed formam materiam informare: id quod tamen falsum est: nam ad eundem modum diceretur, efficiens ipsum absolute, non esse causam effectricem rei effectæ: sed efficiens ipsum, efficere.

**HÆC** facilime explicantur. Ac principio assumptioni minime assentimur: nam utraq; illa cōmunicatio, vna & eadem reipsa est, est tamen differens ratione, siue ut vulgo dicitur habitudine. Etenim forma refertur ad materiam ut actus ad potentiam, & perficiens ad id quod perficit: ad rem vero composita refertur, ut pars ad totum, cuius essentiæ in completâ sed esto utraq; cōmunicatio differat reipsa, non tamen inde efficitur posse unam ab altera ita se iungi ut una existente, altera non existat: Nam hæc mutua secretio atq; deiunctio in easolum cadit, quorum unum ex altero non pendet: iam vero cōmunicatio formæ cū re cōposita consequens est cōmunicationis eiusdem formæ cū materia. Namq; res cōposita eiudicatur ex copulatione formæ cū materia.

**CVM** autem subinde queritur. Anne forma sit causa rei cōpositæ, eo quia est actus materiae, aut rei cōpositæ? Respondemus propterea formâ esse causam rei cōpositæ quia materiae coniungitur: Namq; prius natura cū materia coniungitur: quam sit forma actusue rei cōpositæ: non tamen inde sequitur, posse unum sine altero existere, id est, posse cōmunicari formâ cū materia: cum interim compositū non existat: partim quia cōmunicari formâ cū materia, & fieri rem compositâ sunt unum & idem: Arist. authore. 7. Meta. velse se induiduc coruscatur: Partim quia ex rei prioritate illa quæ in efficiendo cernitur, non efficitur illud prius genus, quod essendo minime reciprocatur: ut enim homo sit causa facultatis ad ridendum: non tamen existeat potest homo expers illius facultatis. Ad eūdem etiam modum forma ma-

Arist. 7.  
Met.

tericæ coniuncta non potest citra rem compositam existere: sed statim ac vnu  
est, & alterum: vis tamen intelligendo nostra potest vnum ab altero sciungere,  
siquidem vnum natura alterum antecedat.

HINC iam patet posterioris confirmationis dilutio: nam id quod principio  
sumitur in ea solum cadit, quæ essendo minime reciprocantur: non tamen in  
ea quæ prioris & posterioris ordine, qui cernitur in causa & effectu, sunt inter  
se affecta.

**E**XTRÉMVM vero illud ita explicamus: ut dicamus, formam esse causam  
rei compositæ, quæ iungitur <sup>qua</sup> <sup>materiæ</sup> naturæ actu: namq; tum euadit res composita  
cum formâ cum materia coniungitur: consimilictiam ratione id quod agit  
est causa rei effectus quatenus subest actioni. Hęc habuimus quę de re proposi-  
ta diceremus: iam institutāde Verbi vniōne, disputationē persequamur.

### Quæstio. III.

*Anne in Christo sit unitas personæ, contra quod  
sensit impius Nestorius?*

**A**D huc exposuimus incomprehensibilem Verbi Dei unionem non esse  
positam in unitate naturæ: quemadmodū Eutyches falso opinatus est:  
sed in unitate personæ. Cōtra quod tamen Heresiarcha Nestorius sensit: Quo  
circa conferenda iam nobiscum ipso manus est: eiusq; flagitiosâ sententia re-  
fellenda: si prius tamen argumenta exposuerimus, quibus ille adductus est,  
ut putaret, ex duabus Christi personis, quę admodū ex duabus naturis cōstatare.  
Argumentabatur itaq; Nestorius hoc p̄cto. Quæq; natura in propria inest  
Hypostasi: non enim natura p̄ se existit: in Christo sunt duas naturæ: duas  
igitur hypostases, dignitatis, & authoritatis unitate coniunctæ.

ITEM Christus est Deus & homo non confusione quadam: neq; enim cō-  
fundi possunt diuinum & humanum esse, est igitur secrete Deus & homo,  
sed Deus diuinam significat personam, homo vero humanam: ex duabus igi-  
tur Christi personis, quemadmodū ex duabus naturis constat.

**A**DDE qui diuinæ personæ ceteræ, immenses, immortali, ac simpliciter  
pugnat virgineo vtero includi, virginis partu temporario edi, corpora mō-  
lem gestare, in crucem tolli, ad extremum mortem perferre: hęc inquit, Deo  
minime conueniunt, tribuitur autem hęc Christo, nihil est igitur dubij quin  
hominiconiuncto cōueniant.

**Q**UO circa impius Nestorius assertebat non esse Deum ex virgine natum,

neq;

neque esse Mariam appellandam, θεοτόκον, sed χριστογένναν, id est, non esse virginem Mariam appellandam dei param, seu genitricem Dei, sed Christi param, siue Christi genitricem. Historia tripartita refert Nestorium dicere solitum: Noli gloriari ὃ Iudæe: non crucifixisti Deum. Item illud aduersus sanctissimum Alexandreæ sedis antistitem Cyrillum, à quo acerrime oppugnabatur, per impudentiam, arrogantiam, ac præfidentiam, iactabat: Cum plurimi Deum confiteantur I E S V M: ego bimembrem aut trimembrem nequaquam Deum confiteor. Hæc porrò futillis, & infirma Nestorij argumentatio, non mediocrem, ut refert Cassiodorus, tumultum orbi excitauit: estque proinde turpisimus Nestorius sanctissimæ Synodi Ephesinæ decreto damnatus: & excoetu episcoporum explosus.

NOS vero in hoccum Nestorio congressu tria, iuuante Christo, prestabimus: principio horum vocabulorum, nature videlicet, suppositi: hypothesis: personæ & individui, potestatem variam: ac multiplicem explanabimus. Deinde cum ipso Hæresiarcha disputando congregiemur, ipsiusq; sententiam oppugnabimus: ad extremum tela repellemus ea, quæ in orthodoxos patres coniecit.

NATVRÆ verbum, græce φύσις, varie apud philosophos accipitur: sumitur enim & generatim: & speciatim: ac generatim quidem sic accipitur nomen nature, ut idem valeat quodens: siue essentia: ac naturæ nomine ipsum esse siue ens, græce οὐκαὶ εἶναι, declaretur. Hinc effectum est, ut cum aliquid significare volumus in ijsesse quæ sunt, dicamus illud esse in naturarum. Quod ipsum Quintilianus dicit, in naturam rerum cadere, id est, in ijs quæ sunt haberi. Hoc ipsum tamen Arist. verbo naturæ non exprimit, sed verbo essentiæ. Ait enim: ἀπηγόν σῶμα καὶ οὐκ εἶναι, id est, corpus infinitum non esse. Hoc modo natura accepit D.P. Aug. cū in eo quem de moribus Manichæorum scripsit libro, naturæ vim sic explanadam putauit: Natura nihil est aliud, quam quod intelligitur in suo genere aliquid esse: qua diffinitione declarauit August. naturæ vocabulum latissimè patere: & quicquid in quoque genere est, hoc nomine declarari. Huic Augustini definitioni consentanea est, & illa quam tradidit Boetius Seuerinus, in eo quem de diversibus naturis: & vna persona Christi conscripsit, libello: ea porrò definitio est huiusmodi. Natura est earum rerum, quæ cum sint, quoquomodo intellectu capi possunt: Hoc loco capitur natura pro essentia: quæ ipsa cuique rei quæ est, siue sit substantia, siue accidentis, conuenit: ducitur

August.  
de mori-  
bus Ma-  
ni. li. 2.

Boetius

D enim

erim essentia ab esse: quocirca res quæque dici essentia non incommodè  
 Cice. de potest: itemq; natura, hinc illa Cicer. oīo profluxit. Natura ignis, & ea ipsa  
 Nat. de- orum. tota feruida est & cæteris naturis vitalem impertit calorem. i. cæteris substâ-  
 tijs: quæ græcè dicuntur οὐσία. Cæterum quoniam id quod proprie est, est  
 οὐσία, latine substantia: accidentia enim eatenus sunt, quatenus in substân-  
 tijs hærent, proinde naturæ & essentiæ nomine, substantijs tribuitur.  
 Notandum est tamen hoc loco diligenter, non suppetere linguae latinæ vo-  
 cabulum, quo οὐσία exprimatur. Nam verbum substantia, quo latini vtū-  
 tur, nequaquam idem valet, quod οὐσία, sed ipsum quod hypostasis decla-  
 rat. Latinitatem scriptores, essentiæ nomine id significatum esse voluerunt,  
 quod græco vocabulo, οὐσία exprimitur. Quod tamen verbum ab ijs qui la-  
 tinæ linguae parentes, & principes extiterunt, nusquam esse usurpatum an-  
 Aug. dc  
 ciuit. dei  
 l. 12. c. 2.  
 notauit Aug. 12. de ciuit. Dei, inquiens hoc pacto. Sicut ab eo quod est sa-  
 pere vocatur sapientia: ita ab eo quod est esse, vocatur essentia: nouo quidem  
 nomine, quo usi veteres non sunt latini sermonis auctores: sed iam nostris té-  
 poribus recepto: ne deesset etiam lingue nostræ quod græci appellant. οὐσία

Quinti- Fabius tamen Quintilianus obseruauit. Platū sive Flauiuī, οὐσία, essentiam  
 lianus in vocasse, neq; esse eius aliud nomen latinum: quod ipsum verbum est è verbo  
 stitutio- num. li. 3 expressum. Quemadmodum enim οὐσία, dicitur, ἀπὸ τῆς ὀντότητος οὐσία  
 ita essentia, ab esse proficiscitur. Dicit etiam potest οὐσία, quasi οὐσία, id est, res exi-  
 Cice. de stens. Cicero ab essentiæ vocabulo abhorruit, ac proinde οὐσία, natura vertit:  
 Finib. idquod facile ex eo intelligitur, quod ait in libro de finibus. Quinta illa non  
 nominata magis, quam nō intellesta natura: celestem videlicet naturam sig-  
 nificat: quam Arist. περὶ τῆς οὐσίας, nostri vero quintam essentiam, verbuni è  
 verbo exprimentes, nominant.

**Q V O N I A M** veronomen naturæ: & essentiæ substâtijs primum tribui-  
 Hilarius tur, proinde D. Hilarius in libro de Synodis, essentiam que græce dicitur  
 de Syno. οὐσία sic definiendam putauit: Essentia est res quæ est: velex quibus est: &  
 c. 2. quæ in eo quod maneat subsistit. Dici autem essentia: & natura & genus:  
 ac substântia vnius cuiusque rei poterit. Proprie autem essentia idcirco est  
 dicta, quia semper est: quæ idcirco etiam substântia est: quia res quæ est  
 necesse est ut subsistat in se. Quicquid autem subsistat, sine dubio in ge-  
 nere, vel in natura: vel in substântia maneat: cū ergo essentiâ dicimus significare

Boetius de dua- natura, vel genus, vel substântia intelligimus eius rei, que in ijs oībus semper es-  
 bus natu- se subsistat. Ni fallor, Hilarius hoc loco definit rei cuiusq; nām: & ut trito utar  
 ris & v- vocabulo, quiditatē. Naturā porrò sic acceptā Boetius ita definit, nā est quāq;  
 nāperso. Christi.

rem

rem informans specifica differentia: Etenim specifica differentia essentiam rei cuiusq; & naturam compleat: ita fit ut quod definitione explicatur, natura non incommodedicitur: quod ipsum à Cicerone, natura, vis, ac potestas nuncupatur. In libro siquidem de oratore ita inquit: præcepit ratio atq; doctrina, vt viseius rei quam definias sic exprimatur, vt neq; absit quiquā neq; supersit. De orat. eloquentiæ vim ac naturam explicemus: Hoc vero significatum naturæ quarto loco numeratur ab Arist. Quinto Metaphy. cum multiplicem vim huius nominis, natura, explanat, & in primum significatum substantiæ incurrit positum ab Arist. 7. Metaphy. Nominе igitur naturæ, non solum quod est: verum etiam, quid quicq; sit exprimitur, quod ipsum esse rei siue essentia à nostris, ab Ar. vero τὸν εἶναι, appellatur. Finitima est huic significatiōni naturæ & illa, quę est in usu apud philosophos, vt. s. rei cuiusq; vis: & proprietas, natura appelletur, hęc siquidem essentię, quę ad speciem pertinet, est consequens. Hoc modo verbum natura est à Cicerone usurpatum quinto definiens libro, cum inquit, Aristotelem animantium mortus, vietus: & figuratas: Theophrastum vero stirpium natura esse persecutum. Item sua cuiusq; animantis natura est: diuersęq; sunt naturę, id est, ingenia: & propensiones speciem consequentes. Indolet etiam cuiusq; & ingenium, quod ipsum perulgato vocabulo, inclinatio dicitur, naturę nomine exprimitur. Cic. ad Att. occultę hominum voluntates multiplicesq; naturę i. ingenia: & vt vulgo dicitur, inclinationes. Declar.or. naturam habuit admirabilem addicendum. Pro Arch. homo sine doctrina, naturę habitum moderatus. Ac naturaliustot modis accipitur.

Cicero  
de orat.Arist. 5:  
Metap.  
ca. 4.Cice. de  
Fin. li. 5.Cice. ad  
Att.Cice. de  
clar. orat.

NATVRA vero pressius, & speciatim sumpta ijs duntaxat rebustribuitur quę sunt in motu, quę sub ortu cadūt: naturę siquidē nomen, vt tradit Ar. Quinto primę Philosophię libro, à nascēdo dicitur. Quocirca verbo naturę principio declaratur rei cuiusq; ortus: siue nativitas: deinde ortus efficiēs causa: quę eadē, sagax, solers, prouida, & artificiosa: itemq; rerū omniū mī: ac parés à Cicerone varijs in locis appellatur. Hęc quidā, codē authore. 2. de natura Deorū libro, ita definiūt, vt eam esse censēat, vim quandā rationis participem atq; ordinis tanquā via ad efficiendū progredientē: cuius solertiā nulla ars, nulla manus: nemo opifex consequi possit imitādo. Proxima est huic definitioni, posita à Seneca. 4. de benef. libro Defintio, quę habet in hunc modū: Quid aliud est natura quam Deus: & diuina ratio, toti mundo: & partibus eius inserta: Hęc tamen definitiones principi naturæ, & sūmæ, quę est rerū omniū effectrix & opifex conueniūt, quam vulgus Philosophorū naturam naturantē appellat:

2. D hęc

Hec siquidem summo artificio rerum omnium naturas fabricatur: ac rebus omnibus essentiam impertit.

**NATVRÆ** etiam nomen accommodatur particulari cuiusq; rei effectici cause: quam eandem particularem naturam puto illa nature definitione explicari, quam nobis Cicero tradidit.

**NATVRÆ** est vis quedam insita rebus ex similibus similia procreans. Vis illa insita posita est in forma specie tribuente, cuius interuentu generas ipsum, rem secum forma, & specie consentientem gignit. Id vero quod ab utraq; natura: tam summa illa, & vniuersa: quam infima quaq; & particulari gignitur ac procreat, opus nature dicitur: quod ipsum contuentes in opificis naturæ admirationem vel nolentes rapit.

TERTIO vero loco, nomen nature accommodatur significando principio

**Arist.** 2. interno motionis: quomodo ab Arist. Natura definitur, secundo physiologico libro. Quam eandem definitionem Cicero in secundo de natura Deorum ita è græco in latinum conuertit: Natura est vis quedam siue ratio, cens motus in corporibus necessario. Hoc porro principium duplex est, effectiuū vnuū, capax motionis & perceptiuū alterū: illud forma, hoc materia dicitur. AD extremum nature verbum ad significandum illud membrum traducitur, in quo vis ad generandum inest. Pli. si quadru pedes fetum non admittat, virtus naturam fricandam monstrat. In hac vero de verbo incarnato disputatione, natura capitur pro essentia, in qua species sita est.

**Hypo-** SEQUITVR vt vim nominis, Hypostaseos explicemus. Verbum Hypo-  
**stasis.** stasis, ductum & ortu est, ἀπὸ τοῦ φιλανθρωπίας, siue φιληστι: quod ipsum signifi-  
cat & subsistere, siue existere & in rerum natura ediatq; produci: & substare:

**Arist.** subsidere, & substerne. Posterioris significationis est hoc apud Arist. in proble-  
matibus exēplum, ἀεὶ μάλιστα Φιλανθρωπία παχυτάτος καὶ έργοτάτος, εκκρήνεται  
μέτακοσφυρ, id quod crassius ac grauius est, semper subsidet: quod vero le-  
uitus est, excernitur. Prioris vero significationis multus ac creber usus est apud

**Porph.** philosophos, Porphyrius in institutionibus: περὶ γενῶν τε καὶ σιδῆμά μεν εἰ τε  
φεύκετε, id est, utrum genera & species subsistant: siue in re sint posita ac na-  
tura: an contra animi informatione constent duntaxat. Hinc effectu est ut  
nomen Hypostasis significet & sedimentum: idq; quod subsidet: & restatu, siue  
existentiā. Ut triusq; significationis usus est apud Arist. & ceteros philosophos.

**QVONIAM** vero nomen hypostasis significat existentiam: et sedimentum  
proinde à Theologis græcis translatum est ad significandam naturam subsi-  
stentem, et ceteris substantiam, quæ ipsa est natura singularis: hæc siquidem  
existit

existit solum, quicquid enim existit, singulare est, et unum quiddam: ac præterea cæterorum omnium, tam quæ ad essentiam attinent: quâ quæ fortuito cœlentunt, attributionem suscipit. Ita fit, ut hypostasis sit natura: siue essentia subsistens: cuiusmodi est individuum generis substantiæ: accommodatumq; proinde est hoc nomen ad declarandas augustissimas sacræ Trinitatis personas. Hinc illud Dionysij εἶδος τετρανόσαρψ i. unitatem in Trinitate personarum: estq; apud græcos Theologos hoc nomen frequentius in vsu, cū de proprietatibus personalibus sacro sancte Trinitatis loquitur, quam nomen personæ, tametsi vtroq; vtatur. Notandum est hoc loco, quoniam hypostasim, latine interpretari licet, sive verbum verbore datur, substantiam siue substantiam: cæterum quoniam substantię nomen tritum est apud latinos pro essentia, proinde abstinendū putat Aug. Quinto de Trinitate libro .c. 8. nomine substantię, cum ineffabilem diuinarum personarum Trinitatem significare volumus. Inquit, essentiam dico, quæ εἶδος græce dicitur: quam usitatius substantiam vocamus. Dicunt quidem & illi hypostasim: sed nescio quid interesse volunt, inter εἶδος καὶ υπόστασιν, ita ut pleriq; nostrū qui hæc græco tractauerunt e loquio dicere consueuerint μορφὴ εἶδος τέτοιο υπόστασις, quod est latine, unam essentiam: treis substantias, sed quia nostra loquendi consuetudo iam obtinuit, ut hoc intelligatur: cum dicimus essentiam, quod intelligitur cum dicimus substantiam, non audemus dicere unam essentiam, treis substantias: sed unam essentiam: & unam substantię. Quocirca D. Hieronymus ait, in verbo substantię venenum esse inclusum.

**SUPPOSITVM** verbum est latinum: à Theologis latinis factum, ad declarandam naturam per se substantiem in genere substantię repositam: idemq; valet apud latinos, quod hypostasis apud græcos. Dicitur autem suppositum quasi ὑπόστασις, eos scilicet quia omnibus attributis tam essentiam declaratibus: quam extra essentiam rei positum, subiectatur. Ab Arist. vero dicitur prima substantia.

**INDIVIDUVM**, græcè αἰτούον, significat rem in quoq; genere singularem: quæ propterea dicitur individuum quia tribui in partes, quæ ipsius attributionem recipiant, non potest: qua re ab specie ac genere se iungitur. Hæc si quidem dicuntur in multis. Quare individuum ita à Porphyrio definitur, ut id esse dicatur quod de uno solo predicitur. Arist. vero, individuam naturam illam esse censet, quæ in nullo dicitur. Nam idem sibi ipsi minus aptè: & ad rationem accommodatè attribuitur.

**RELIQVA** est nominis personæ explicatio. Personā, græce prosopō, signi-

I. Ioannis,  
ca. 4.

ficat laruum, qua faciem obtegunt, qui in comedijis viros alteros, voce, vultu, & gestu referunt. Quocirca personati dicuntur illi, qui huiusmodi laruis facies contegunt Scenice actionis exhibendæ gratia: & personata fabula dicitur, quæ à personatis histrionibus agitur. Dicitur autem persona à personado: quādoquidem efficiat cauitate eius partis, qua via quedam patet ad os, ut vox clarior magisq; sonora edatur: Etenim vox in unum quasi exitū compulsa, & a suī diffusione prohibita, vehementius personat. Quoniam vero personis tecti histriones singularem aliquem hominem in comedijis referebant, & exprimebant, ut Achilem, Aiacem: hinc effectum est, ut Boetius annotauit, ut

**Boet. in li. de duabus natu-** nomen personæ à Philosophis & Theologis translatum sit ad significandam substantiam singularem: & individuam rationis participem. Quocirca secundum perso- uerinus Boetius superiori loco, personam ita definit, ut illam esse dicat, naturæ eius quæ rationis est particeps, singularem & individuam substantialiam. Ex qua definitione intelligitur: tria requiri in ratione personæ, & quod contineatur genere substantiæ: nam accidentia personam efficere non possunt: & quia per se non existant, & quia personæ non agant, & quod natura sit rationis & intelligentiæ particeps: nam personati, res huiusmodi exprimunt, effinguntq; duntaxat. Adde quia solum naturæ intelligenti illud conuenit, ut possit agere, vel non agere. Non dicitur igitur bouis: aut equi persona, sed Ioannis, aut Pauli. Ad extremum illud requiritur ut sit individua substantialia. Nam per se existere, in solam cadit substancialiam singularem. Quoniam igitur personæ vocabulo, individua substantialia particeps rationis declaratur, hinc fit ut personæ nomen ad significandam illam qualitatem traducatur: qua res una singularis ab alia secernitur siue sit illa qualitas animi, siue corporis, siue ad externa ac fortuita bona pertineat. Hoc modo dicere consuimus sapientis, moderati, iracundi, scueri, & intemperantis personam: item senis: aut adolescentis, diuitis, consulis, regisque, possuntq; in uno eodemq; homine multæ personæ inesse: quemadmodum multæ personales proprietates. Hoc tertio modo frequēstus nō nominis personæ apud Ciceronem. Qui philosophiā inquit, profitetur grauissimā sustinet personam. Item unus treis personas sustineo meam, aduersarij, iudicis: item is abiecit quæstoriā personam comitisq; sumpsit: item non capiunt angustiæ pectoris tui tantam personam: tam grauem, tam seueram. i. personā consulis. Item ego has partes lenitatis & misericordiæ sempere regi libenter, illam vero grauitatis, & seueritatis personam non appetui: sed a rep. mihi imposita sustinui. His omnibus locis verbū persona ad personalē qualitatē refertur: unde

Cicero.

& apud

& apud rhetores dicuntur attributa personæ.

PERSONA significatius à græcis dicitur πρόσωπον, quasi, πρός τον θεόν. i. ante oculos faciemq; oppositum.

EX posuimus horum vocabulorum vim: reliquum est, ut doceamus, quo pacto inter se sunt affecta. Hæc igitur quatuor. indiuiduum: suppositum: hypostasis, persona, eandem rem numero declarant, hoc est, naturam singularē: differunt tamen vniuersalioris & particularioris ratione. Namq; indiuiduum latius patet, quam suppositū, hypostasis, & persona, significat enim rem quāvis singularem, siue genere substantiæ, siue accidentium contineatur, siue per se seorsum existat: siue non existat, sed alteri adiungatur, in alteroue insit perfectiōri, ut pars in toto: & hæc humanitas in Verbo.

CÆTERA vero tria vocabula rebus singulis attribuuntur ijs, quæ ad genus substantiæ referuntur: & hoc uno consentiunt: dissident tamen vniuersalioris: & particularioris ratione. Etenim suppositū vniuersalius quiddam est, quā hypostasis aut persona. Namq; suppositū substantiā significat indiuiduā, completam subsistentem & incomunicabile, quo efficitur, ut accidēs non sit suppositū, non enim est substantia, item species siue natura nō sit suppositū, siquidē non sit indiuidua substantia, pars itidem non est suppositū: nempe quia sit substantia incōpleta, humana Christinatura, itemq; diuina non est suppositum, illa enim non subsistit. i. per se in cōst̄im nō existit: hæc vero est cum tribus personis cōmunicabilis, ut sit indiuidua, & subsistens. Quod vero ad hypostasim, & personam attinet, Boetij seuerini sententia est, hæc se se mutuo exsequare interq; se reciprocari, ut scilicet hypostasis nihil sit aliud: quam naturæ cius quæ rationis est particeps, singularis & indiuidua substantia. Sed iam ipsius verba in medium proferamus. Longe vero illi significantius rationabilis naturæ indiuiduam substantiam: hypostaseos nomine vocauere: Nos vero per inopiam significantium vocum translatitiam retinuimus.

Significationem, eam quam illi ὕπόστασις, dicunt, personam vocantes. Ideo autem hypostases græci indiuiduas substantias vocauerunt, quoniam cæteris subsunt: & quibusdam quasi accidentibus suppositæ subiecteque sunt. Hanc porrò Boetij sententiam illud vel maxime confirmat: quia græci Theologi nulli alteri indiuiduæ substantiæ declarandæ verbū hypostaseos accōmodat, quam singulari substantiæ ei, quæ mentis est particeps. Nobis tamen placet, verbum hypostaseos apud græcos idem declarare, quod suppositum apud latinos: ac proinde pateredicendo latius quam personam. Dici igitur potest suppositum: & hypostasis qui vel lapidis: persona non item.

Boetius  
de dua-  
bus natu-  
ris & v-  
naperso.  
Christi.

ESSENTIA vero & natura ab his omnibus hoc vel maximè discrimine secernitur, quoniam hypostasis per se subsistit, essentia vero & natura in hypostasi: essentia cōmune quiddam est: & cum multis cōmunicabile: hypostasis vero est individua natura in cōmunicabilis. An vero reapse natura differat à supposito qui cum cōmunicatur, post expendumus. Estigitur hic homo essentia, individuum, suppositum, hypostasis, persona. Essentia quoniam est, nam id quod vere est sola substantia est, individuum, quoniam de nullo dicitur: hypostasis, quoniam nullo nititur: sed per se existens cæteris subsistentiam subministrat: suppositum, quoniam omnibus attributis subest, persona, quoniam extrationalis naturæ individua substantia. Adhuc nominum rationes exposuimus: reliqua est cum Nestorio congressio.

**Boetii**  
cū Nesto  
rio con-  
gressio. D. Boetius seuerinus in eo cuius iam supra mentionem fecimus libro, hisce argumentis cum Nestorio confligit. Principio ita argumentatur. Si Christus est, unus est, esse enim & unum reciprocantur: at Christum esse confitemur, unus igitur Christus est, ac proinde unam esse personam Christi necesse est: nā fiduæ personæ essent, unus esse Christus non posset.

ITEM ex duabus personis, nihil effici unum potest: nihil igitur unum iuxta Nestoriū Christus est: at quod unū non est, nihil est, nihil igitur est Christus. PRÆTEREA incarnatione Verbi Dei (vt amur enim Verbo in scholis trito) nihil magni nihilq; noui iuxta Nestorij sententiam est effectum: siquidē suam quæq; natura seruat hypostasim ac personam: iam vero vniuersa incarnationis admirabilitas in eo posita est: quia dux naturæ tam inter se differentes, ita fuerint coniunctæ, vt in una coierint, ac conspirauerint Dei Verbi hypostasi, atq; persona.

ACCREDIT quia si diuersissimis naturis, diuersæ sunt quoque subiectæ personæ, nulla igitur fuit naturarum: nulla Verbi Dei cum humana natura cōiunctio, quemadmodū neq; in quo quis homine vlla est diuinitatis cum humana natura coniunctio: siquidem humana natura in propria persona subsistat. Itaq; tollitur Verbi Dei incarnatio, neq; enim fieri potest, vt personis manentibus fuerit humana natura à Dei Verbo assumpta.

ADDE quia si eius generis est hæc coniunctio: non igitur Christus hominū genus liberaliit seruauitq; cundem quippè saluum esse voluit, quem creditur assumpsisse: nulla vero esse assumptio potuit, si in sua quæq; persona natura subsistit, non igitur à Christo hominum est redempta ac liberata natura: id quod putare nefas est.

AD hæc si ex duabus personis Christus constat, non igitur Christus unus est:  
sed

sed duo sunt Christi, unus homo, Deus alter, id quod cum sanctis literis minime congruit: Nunquam enim Christi nomen per multitudinem in sanctis literis effertur: cum de Christo messia sermo habetur. Hisce Boetius argumentis Nestorium seu telis quibusdam confudit: quibus insignis impudentiae ac temeritatis hominem multis, ijsq; absurdissimis incommodis, confecit.

SED iam ex diuinarum literarum quadam quasi pharetra sagittas depro-  
mamus quas in ipsum conisciamus: Hæc enim eius suspicio cum sacris lite-  
ris pugnat apertissimè. Ac unum eundemque esse filium virginis: & filium Dei,  
Angelus è cœlo ad Mariam demissus apertissimè declarauit cum dixit virgi-  
nem allocutus. Quod enim ex te nascetur sanctum, vocabitur filius Dei. His  
verbis duplē Christi naturam in eadem hypostasi expressit: Nam cum ait  
nascetur ex te, naturam nobis significauit humanam: cuius interuentu Chri-  
stus ex virgine generatus editusque est: cum vero adiunxit, vocabitur filius Dei,  
naturam diuinam declarauit, cuius interuentu Christus sempiterni patris est  
filius: cum vero illud idem quoderat virgineo utero concipiendum, & vir-  
ginis partu edendum, appellandum esse dixit filium Dei, unicum Dei & ho-  
minis personam & hypostasim declarauit, in qua duæ illæ naturæ admirabi-  
liter conuenerunt. Unusigitur & idem est filius Dei: & filius virginis: estque  
proinde virgo Maria ~~secundum~~ Deigenitrix ac Deipara.

HOC ipsius multo nobis apertius declarauit: & vehementius confirmauit  
Isabella uxoris Zachariæ: & Ioannis Baptiste mī, quæ a virgine officiosissime  
salutata, voce sublata exclamauit inquiens, unde hoc mihi ut veniat mater do-  
mini mei ad me. Viri sancti & p̄ij apud Hebreos, nullum alium consueuerunt  
appellare dominum suum, nisi solum Deum: atqui Elisabetha virginem ap-  
pellat matrem domini sui: Matrem igitur ipsam Dei sui nominat. Quid  
apertius contra Nestorium dici, aut ad coarguendum ipsius errorem apti-  
us afferri potuit?

D. etiam Paulus multis locis, luce clarius testatur, unum & eundem esse fi-  
lium Dei: & filium hominis. Scribens Romanis ait. Segregatus in Euange-  
liū Dei, quod ante promiserat, &c. de filio suo qui factus est ei ex semine Da-  
uid secundum carnem. Duplē Christi naturam hoc loco Paulus expressit,  
diuinam scilicet & humanam, æternam illam, quam accepit ex patre, tem-  
porariam hanc, quam ex Davidica stirpe traxit: & unum eundemque esse Dei:  
& Davidis filium declarauit, cum dixit, eundem esse factum ex semine Da-  
uid, qui est filius Dei. De filio, inquit, suo, qui idem fuit Davidis editus est.  
Etenim virgo Deipara ex Davide duxit originem. Apertius hoc ipsum de-

Lue. 2.

Lue. 2.

Rhom. 1

monstrauit, cum ad Galathas scribés ait. Misit Deus filium suum factum sub lege factum ex muliere: vt eos qui sub lege erant redimeret. Non aliū ex virgine generatum editumq; confirmat, & alium è cœlo demissum, sed vnum & eundem: at missus est è cœlo filius Dei: filius igitur Dei est ex virginē generatus, vnum igitur & idem est filius Dei: & filius hominis.

**Philip. 2** CVM Philippensibus agens ita loquitur: Hoc enim sentite in vobis quod & in Christo IESV, qui cum in forma Dei esset, nō rapinam arbitratus est, esse se æqualem Deo: sed ex inaniuitatem ipsum, formam serui accipiens, &cæt. Expendamus relatum illud, qui, exquiramusq; referendum ne sit ad humānam: an addiuinam Christi naturam: fieri non potest vt ad humanam Christi naturam referatur: Nam id quod continuo adiungit Paulus, esset falso dictum: nempe cum in forma Dei esset non rapinam arbitratus est, esse se æqualem Deo, immo vero summā rapinam fecisset, si homo existens diuinitatem sibi per superbiam arrogasset: seseq; Deo exæquasset. Neq; est quod ad diuinam naturam referatur. Nam id quod adiicit cum huiusmodi relatione non congruit. Ex inaniuitatem ipsum, formam serui accipiens: factus obediens vsq; ad mortem, &c. Nam diuina natura non est exinanita: neq; mortem interitumq; perpessa. Reliquum est, vt relatum illud, Qui diuinam referat personam in duabus naturis subsistentein: diuina scilicet & humana: Ac diuinæ naturæ interuentu, Christus æqualis est patri, vt qui eiusdem particeps sit naturæ: neq; sibi per insolentiam arrogauit diuinitatem: humanae vero naturæ interuentu, Christus minor & inferior est patre, ipsiq; paruit, eoq; sese abiecit, vt cruci sese affigi pateretur, mortemq; perferret ignominia, & acerbitatis plenissimam.

**IAM** ex diuo Ioanne vnum aut alterum locum proferamus. Initio euangelicæ historiæ cum de Verbo multa præclara ac diuinitatis propria dixisset, tandem adiungit. Et verbum caro factum est, & habitauit in nobis, &c. Testatur Ioannes Verbum illud, quod initiorum fuerat apud Deum, inque paterno sinu ab eternitate conquieuerat, extrema seculorum ætate hominum causa effectum esse carnem. Iam Verbum caro factum est, aut natura Verbi in naturam carnis commutata: aut adiuncta sibi carne, Verbi ipsius natura alioqui immutata permanente, illud prius minime est asserendum, cum diuina natura, etiam de Philosophorum sententia, sit immutabilis, ortus expers, & interitus: sequitur igitur vt posterius sit asserendum: ac proinde Verbum sibi diuinum carnem adiunxerit, nulla sibi inde mutatione allata: id vero dubius modis fieri potuit: uno modo vt Verbum Dei sibi carnem coniuxerit,

veluti

veluti indumentum altero modo, ut carnem sibi coniunxerit, ceu rem sibi inexistentem. Ac prioris generis illa coniunctio cum verbis Ioannis minimè congruit: Nam verbum ait, carnem factum: non carne vestitum, quod vero vestitum est, effectum esse illud, quod sibi ceu vestimenti circundedit, minime dicitur: testatur autem D. Ioannes, verbum carnem esse factum, non igitur sibi carnem ceu vestem adiunxit. Quocirca carnem diuino Verbo esse coniunctam velutirem inexistentem censendum est: idq; sancta vbiq; ecclesia confitetur. Idem igitur verbum, Deus est & homo, Deus est illud quidem diuinæ naturæ, quam accepit ex patre interuentu, homo vero humanæ naturæ interuentu, quam ex matre virgine accepit, idem sempiternum, & temporariū: idem immortale, & mortale: idem præpotens, & imbecillum: idem omnium efficiens, & natum ex virgine: Quod est admirabile: & nulla mentis acie comprehensibile.

1. Ioannis  
ca. 4. EXTAT alter apud Ioannem locus, quo duarum in una persona verbi naturarū coniunctio declaratur. Omnis, inquit, spiritus qui confitetur IESVM in carne venisse, ex Deo est: & omnis spiritus qui soluit IESVM: ex Deo non est: & hic est Antichristus. IESVM soluere, est aliud nihil, quam admirabile illum: & incomprehensibilem duarum naturarum in una hypostasi nexum dissoluere ac dirimere: ille vero hunc nexus dirimit, qui alium facit filium Dei: alium filium virginis: quemadmodum impius Nestorius faciebat.

Non igitur est Nestorius ex Deo, sed ex diabolo potius, qui mendacissimus est: & omnis inuentor confitorq; mendacij. Afferendum est igitur sacris litteris consentanea, vnum eundemq; esse filium Dei: & filium virginis: duasq; naturas in una persona verbi admirabiliter conuenisse. Hoc ipsum omnium est conciliorum authoritate decretum: & patrum consensi comprobatum: in primis sanctissimi concilij Ephesini sententia declaratum: & catholicæ ecclesiæ ad credendum propositum.

RELIQVA est argumētorū, quibus hęc sententia, cōuelli videtur, explicatio. PRIMO itaq; argumento D. Ioannes Damascenus ita respondet, ut dicat omnem quidem naturam hypostasi esse subnixam: non enim natura per se existit, sed cum re singulari communicatur, non tamen omni naturæ propriā esse hypostasim subiectam: sed vel propriam vel alienam: ac naturæ humanæ Christi, verbi hypostasis subiecta est: Christus namq; est diuinum suppositum humanæ carni coniunctū: estq; eadē & diuinæ & humanæ nature hypostasis. SECUNDVM argumentum hoc pacto diluitur. Christus secrete Deus est & homo, non distinctione ac diuisione suppositi: sed distinctione ac diuisione

naturæ: Est enim suppositum illud diuinum habens cum diuinam, tum humanam naturam: idq; significamus cum dicimus Christum esse hominē, i. non humanum suppositum: sed diuinum habens humanam naturam sibi ineffabiliter: & admirabiliter coniunctam. Sunt quidicant verbum, homo, ut Christo attribuitur, esse nomen suppositi, suppositi in quam locutionis: siue subiectionis: & prædicationis: non tamen existentia: & sustentationis: id siquidem prout humanā Christi naturam sustentat, est diuinum suppositum effectum humanum gratia: munereq; diuino.

TERTIVM argumētum dissoluit Cyrillus ea in epistola, quæ de cœpta Ephe-sini concilij continentur: inquiens non sic Christum esse natum ex virginē: ut Dei Verbum nativitate illa essendi initium sumpserit, est enim stultum, & extremæ demētia dicere illum, qui omnes seculorum ætates antecessit: quiq; cōsempiternus est patr: reguissē secundo ortu quo esse inciperet, sed ob id dici-tur carnaliter natus, quia carnem sibi humanam coniunxit, cuius interuentu prodidit ex virginē: carnisq; nativitatem suam effecerit. Adeūdem etiam modum, non sic dicimus Christum passum: quod Dei Verbum aeternum pla-gas exceperit: aut mortem pertulerit, Deus enim cum sit incorporeus, om-nis perpessionis expers est, sed significamus corpus illud, quod sibi coniunxit hæc omnia pertulisse: verbumq; diuinum corporis perpessionem, excruciatio-nei q; effecisse suam. Itaq; diuinitas nihil est perpessa: sed caro diuinitati cō-juncta: verbumq; incarnatum: hoc siquidem sublatum est in crucem: hoc cruciatus: ac deniq; mortem pertulit.

EX hisce quæ adhuc docuiimus intelligitur: quod & si natura assumpta à verbo sit singularis & individua: non tamen est hic homo. Nam hic homo est individuū naturæ: at Christi humanitas nō est īdiividuū nře: nō est igitur hic homo. Assumptio ostenditur, individuū naturæ humanæ: & suppositū sunt vnum & idē: at hō assūptus nō est suppositū: nō est igitur individuū naturæ.

OBIICI contra potest usurpata crebro à veteribus dicēdis forma: aiunt enim viri illicum doctissimi: tum sanctissimi, diuinum Verbum hominem assū-pisse: aut igitur assumpsit hominem in ingenere & vniuerso, aut in parte: nō in vniuerso: sic enim quilibet homo fuisse assūptus: in parte igitur, quare hunc hominem assūpsit, &c.

HOC facile diluimus: namq; veteres illi diuinorum mysteriorum interpretes, minus proprie interdum loquuntur: id quod ipsorum grauissimæ authoritatē conceditur ac condonatur: estq; proinde omnis impropria ipsorum locu-tio citra calumniam interpretanda: & recte accipienda: cum igitur dicunt

diui-

diuinum Verbum assumpsisse hominem, sic est interpretandum, assumpsit humanam naturam, qua assumptione effectum est, ut idem esset Deus & homo, &c.

### Quæstio. V.

*Anne firma sit illa consecutio, non est facta unio in natura, sicutur in persona?*

**E**XISTIT tamen hoc loco quæstio subdifficilis, neq; silentio præterea da. Anne partitio illa; siue distributio sit absoluta: Coniunctio aut in natura, aut in persona effecta est: ac proinde sit firma illa consecutio necne, Nō est effecta vno siue coniunctio in natura, sicutur in persona? Ac non esse absolutam illam partitionem: neq; firmam illam consecutionem: ex eo vel maxime potest intelligi: quia est aliquid aliud præterea, in quo potuit fieri coniunctio, scilicet hic Deus: siue individuum naturæ diuinæ. Hoc enim interest inter naturam creatam & finitam: & inter naturam increatam & infinitam: quoniam in natura creatâ individuum naturæ: & hypostasis sunt vnum & idem: solo autem nomine dissident, etenim hic homo: & hypostasis humanae naturæ, ceu Cicero, sola distinguntur nominis appellatione. Quo efficiuntur ut in natura creata duosolū cernantur, natura scilicet ipsa & hypostasis naturæ illius particeps, siue individuum naturæ. At in diuina natura multum interest inter individuum naturæ, & hypostasim naturæ: nam individuum naturæ diuinæ, scilicet hic Deus, cum tribus personis diuinis comunicatur, patre & filio, & spiritu sancto: Hypostasis vero naturæ, non item, ut pater, aut filius, aut spiritus sanctus. Ex quo iam liquet tria cerni in diuina natura scilicet hanc deitatem, hunc Deum: & hypostasim siue personam.

**PORRO** autem secerni individuum naturæ diuinæ: & hypostasim: esseq; in diuina natura præter hypostases: hunc etiam Deum cum tribus personis communem: hinc colligi licet: nam in diuina natura omne abstractum suū habet concretum: quæ ipsa sola significandi ratione differunt: ut pater & paternitas: Deus & deitas: At in diuina illa natura non solum reperitur deitas: verum etiam haec deitas: nam vna individua deitas in tribus cernitur diuinis personis: est igitur & in diuina natura hic Deus: significans individuum diuinæ naturæ, trium personarum commune.

**ADDE** quia Deus est unus numero qui idem est pater & filius & spiritus sanctus: sic enim traditur in symbolo Athanasij: quo fidei eius, quam proponit

fitemur

fitemur, decreta continentur, pater, filius, & spiritus sanctus non tres dij: sed unus est Deus: At esse quipiam vnum numero: & esse hoc, sunt vnum & idem: Quare si Deus noster est unus numero: igitur & hic Deus: præter igitur hypostases, est hic Deus in diuinâ naturâ.

NEQVE tamen quaternio in diuinam naturam inducit, quemadmodum neq; Deus inducit quaternionem: idem autem valet Deus, quod hic Deus: hoc tamen interest, quoniam verbo Deus, numeralis vnitatis significatur, quæ tamen ipsa verbo, hic Deus, apertissime declaratur.

Caiet. 3.  
p. q. 2 ar.  
2. ad. 2. HÆC est Caietani sententia: Argumentum vero initio positum ita diluendum putat, ut dicat, personam sive suppositum accipi duobus modis, comple-  
te scilicet & incomplete: Persona complete accepta, est res singularis naturæ  
particeps, incomunicabiliter tamen. Persona vero incompletè, est res singu-  
laris particeps naturæ duntaxat. Persona vero hoc modo accepta, affecta est  
ad personam priori modo acceptam ut superius ad id quod sibi subiectum est.  
Quo efficitur ut personæ nomine non solum significetur hypostasis naturæ,  
verum etiam habens naturam, quoniam vero habens naturam in Deo, non  
solum est Deus, verum etiam hic Deus, hinc efficitur, ut appellatione personæ  
quod ad Deum attinet, non solum hypostasis: verum etiam individuum na-  
turæ, hic Deus videlicet, continetur: Ac proinde sit absolutissima illa distri-  
butio, & firmissima consecutio: namq; personæ nomine non solum significa-  
tur persona simpliciter, verum etiam persona ut significat habens naturam,  
sive individuum naturæ, quod ipsum est hic Deus subsistens in diuina natu-  
ra. Hæc tradit Caiet. in explanatione articuli secundi, questionis secundæ li-  
bit tertij summae D. Thom. hanc eandem sententiam primo quoq; libro. q. 3:  
ar. 3. expressit, itemq; .q. 39. ar. 4.

HÆC tamen sententia periculosa est & falsa: periculosa quidem, quoniam vi-  
detur diuinâ quaternitatem inducere: falsa vero, quoniam contraria ac re-  
pugnans illis sententia vera est. Ac inducere Caietanum quaternionem indi-  
uina, verba ipsius apertissime declarant: sic enim ait, sequitur quod præter hy-  
postases inueniatur ibi hic Deus: significans individuum naturæ diuinæ cō-  
munetribus personis. Iam nobis licet in hunc modum argumentari. Qui in  
diuina aliquid præter hypostases introducit, illud videtur hypostasibus adiū-  
gere: at diuinæ hypostases sunt tres: Quartum igitur aliquid, illud introdu-  
cens, adiungit, introducit autem Caiet. præter hypostases treis, hunc Deum:

Extra de  
Trini &  
fide cat.  
c. damnata  
mus, quartum igitur aliquid adiungit: id quod ecclesiæ decreto cum reprehensu-  
tum damnatum est. Extra de Trinitate & fide cathol. cap. Damnamus.

Porro

Porrò autem esse falsam hanc Caietani sententiam ita ostendo. Illud siquidē hominem rogatum volo, referendum ne sit, illud hic Deus, ad naturam: aut hypostasim, aut ad aliquid aliud: non ad aliquid aliud: in Deo siquidem, hęc duntaxat spectantur: suppositum scilicet & natura, hęc scilicet deitas: quę eadem numero cum tribus diuinis personis communicatur: referendum igitur est illud, hic Deus, ad naturam: aut ad hypostasim: si refertur ad hypostasim: falso ergo esserit Caiet. hunc Deum esse individuum naturae diuinę triū personarum commune: nam hypostasis diuina est incomunicabilis, referatur igitur oportet ad naturam diuinam eandem numero in tribus personis: significat igitur, hic Deus, diuinam naturam, qua subsistens est, id quod & ipse Caiet sensit: estenim, inquit, hic Deus, subsistens in natura diuina. Hoc vero minus recte videtur esse dictum: nam subsistere, ut diuinae naturae conueniat: subsistere tamen in natura soli personae: & hypostasi conuenit: at de sententia Caiet. hic Deus non significat hypostasim, non igitur hic Deus significat rem subsistentem diuinam naturam: vel certe diuina natura subsistit in diuina natura: namq; hic Deus significat diuinam naturam sub ratione subsistentis. Adde quia si hic Deus significat rem subsistentem in diuina natura, subsistens autem diuinam naturam est persona: significat igitur hic Deus diuinam personam. Hęc Caietani sententia, vndiq; seipsum demolitur & euertit.

QVOCirca diuinam illa: & immensa natura, nihil præter essentiam: & hypostases, statuendum: ac ponendum est: quę quidem hypostases sunt ipsam et essentia diuina: ac proinde non cadit in diuina rerum quaternio: nam essentia nihil est adiunctum personis, neq; accedit ad numerum: ut quę sic idem quod persona: sola ratione significandi dissidens à persona: nam essentia significatur ut natura: persona vero ut subsistens in natura: Eadem tamē res est suppositum & essentia: essentia, quatenus significatur ut natura: suppositum, quatenus significatur ut subsistens. Hinc iam efficitur, ut Deus significet cum diuinam naturam, tum diuinam hypostases, diuinam quidem naturam formaliter, & distincte, siue definite: hypostases vero ipsas, connotatiōne quadam, et indistincte: significat enim nomen Deus diuinam naturam: interim connotando quod insit in persona: Etenim nomen Deus significat essentiam diuinam, ut in habente ipsam, habens autem diuinam essentiam, de Thomae sententia. I. p. q. 39. ar. 4. est suppositum diuinum, significat tamen nomen Deus definitam ac certam hypostasim, adiunctione verbi notionem declarantis: nam cum dicimus Deus genuit Deum: verbum Deus ad solam

Thom.

3. P. q. 2.  
ar. 2.

Thom.

1 p. q. 39.  
ar. 4.

patris

patrishi postasim refertur, solus enim pater generat: ut filius solum generatur. Quoniam vero diuina natura est eadem numero in tribus personis: hinc fit ut idem valeat Deus: atq; hic Deus: ac proinde hic Deus, primum quidem & formaliter significet naturam diuinam, quæ eadem est in tribus personis: deinde vero, & connotatione quadam significat personam diuinam: exprimit enim diuinam naturam hanc, interim connotando quod insit in persona. Quare hic Deus, significat distincte diuinam naturam numero unam: indistincte vero personam, quam eadem tamen distincte declarat adiuncta notio. Accipitur igitur hic Deus, primum pro diuina natura, in concreto tamen: deinde vero pro supposito, quod est particeps diuinæ naturæ: ita fit, ut hic Deus non sit aliquid præter hypostases: aut naturam: sed sit ipsam esse essentia diuina significata in concreto: siue in supposito: estque proinde absoluta illa distributio. s. vnio verbi incarnati, aut effecta est in natura, aut in persona: namq; appellatione naturæ continetur etiam hic Deus: quæ eadem diuina essentiacum sit terminus secundarius unionis huiusmodi (terminat enim coniunctionem illam admirabilem, qua in diuino supposito existit) hinc efficitur, ut hic Deus sit & secundarius terminus unionis.

*Veg. Caiet. quic.  
Eliud angua  
ffirmavit. Posi  
o 19. Caiet. ut  
sive sensu termi  
natur, neq; falsa  
per culosa ut  
datur*

**CONCEDIMVS** igitur Caietano esse in diuina natura hunc Deum: & Deum nostrum esse in numero Deum: & hunc Deum: non tamen damus, huc Deum, esse aliquid præter hypostases: aut naturam: sed esse ipsam eandem diuinam essentiam, ut in suppositis: Est enim hic Deus, pater, filius & spiritus sanctus.

### Quæstio. VI.

*Anne huiusmodi duarum naturarum in una Verbi Dei  
persona coniunctio: aliquam eidem persona  
compositione attulerit?*

**E**X posuimus quo pacto sit duarum naturarum unio effecta: ac docuimus non sic esse unionem illam admirabilem effectam, quod una natura in alteram sit commutata: aut una quedam tertia natura ex duabus coaluerit, sed quod duas naturas in eadem Verbi Dei hypostasi conuenerint: Quocirca addubitari non immerito iam potuit. Vtrum illa duarum naturarum in eadem Verbi Dei hypostasi conspiratio atq; coniunctio compositionis aliquid eidem personæ attulerit? Certe D. Ioannes Damascenus multis in locis, de fide orthodoxa libro tertio, testatur diuinam illam hypostasim post carnisaf-

sumptu-

sumptionem euasisse compositam: Non nullos igitur rei propositæ confirmandæ gratia locos in medium profcremus. Principio cap. ciusdē libri. 33. sic <sup>Damas.</sup>  
 inquit. Verbi Dei hypostasis ante carnis assumptionē simplex, nihil cōpositionis habēs, incorporeæ, & increata erat: at assūpta carne, effecta est & carnis ipsius hypostasis, euasitq; composita cū ex diuinitate quā semper habuit, cum ex carne quam assūpsit: & in duabus cognita naturis, duarum naturarum secum fert proprietates. Quo circa vna eademq; hypostasis & increata est per diuinitatem, creata per humanitatem, visu subiecta, & ab aspectu remotissima. Aliās, inquit, cogimur vel Christum diuidere: si duas ipsi hypostases tribuimus: vel naturarum differentiam negare: ac conuersionem, confusione m̄q; inducere. Eadem sententiam expressit cap. 7. itē <sup>Damas.</sup>  
 c. 3. sic. n. ait. Dux ipsius naturæ hypostasi ipsius coniungitur, vna hypostasi cōponētes. Eandē. c. 5. sententiā protulit, sic inquiens: In diuina illa: & recōdīta Verbi Dei: & dñi nostri IESV Christi dispēsatione, duas naturas, diuinā s. & humanā cognoscimus: quae easdē mutuo copulatas: & secundū hypostasim vnitatis esse confitemur: vnam autē hypostasim ex duabus naturis effectā compositam: seruariq; dicimus duas illas naturas & post vniōnē, in vna eaq; composita hypostasi, in uno videlicet Christo, inque ipso vere inesse, ac præterea naturales ipsarum proprietates.

HÆC est illa sententia quæ à Lombardo libro tertio dist. 6. prolata secundo loco, à Theologis sic explicatur, vt dicant: quatuor ipsam capitibus cōtineri. Primum caput est, in incarnatione anima et corpus cōuenerūt, non quidem ad efficiendū vnu suppositū, sed in vna Verbipersona: quo effectū est, vt anima, corpus, et diuinitas in eadem hypostasi conuenerint.

SECUNDVM caput, duæ illæ naturæ ita sunt inter se in vna eadēq; hypostasi coniunctæ, vt interim naturales proprietates scruent: ac proinde quæ diuinitatis sunt propria, de supposito illo per cōcretum humanę naturę significato, quæ vero humanę naturę sunt propria, de eodem supposito per concretum diuinę naturę explicato, dicātur. Etenim Deus est ex virgine natus, Deus est cruci affixus, Deus mortem pertulit. Item homo ille est mundi effector, pr̄potens, eterminus: rebus omnibus consulens, omnia contuens.

TERTIVM caput. Ipsa Verbi persona ante carnis assumptionem simplex erat, at carne assūpta effecta est cōposita, cōposita inquā ex diuina et humana natura: nō tamen effecta est alia, sed eadem permanens: nā quæ prius erat Verbi Dei solum persona: effecta est per incarnationem hominis persona,

<sup>Magist.</sup>  
 3. sc. d. 6.

E sub-

LIBRI SECUNDI PRELECT. QVÆSTIO. IX.

subsistit ergo vna Verbi hypostasis & in duabus: & ex duabus naturis.

**QVARTVM** caput. Diuina illa Verbi persona vt sit facta hominis persona, non tamen est facta persona. Hæc quatuor capita videtur Damasceni sententia complesti: quam eadem Theologi nostri vt veram, & fidei catholicae consentanea amplectenda, & interpretanda existimauerunt: tertium tamen caput minus probant: nempe quia cōpositio cū diuina persona minimè cōgruat. Nam cōpositio tollit simplicitatem: Hypostasis autem Verbi simplicissima est, quemadmodum & diuina natura.

**ADDE** quia ex ijsquæ cōponunt, tertium aliquid efficitur, at diuina verbi persona non est effecta, ac constituta ex utraq; illa natura.

**ITEM** componētia ita inter se sunt affecta: vt vnu alterū perficiat: iam diuina & humana natura non sicut sunt inter se affecta.

**ITEM** componētia sunt imperfetta: suntq; potestate cū re composita collata, hec vero non cadit in diuinā naturam.

**ACCREDIT** quia compositares non dicitur in ijs ex quibus componitur: At Christus dicitur & Deus & homo.

**AD** extremum componentia de se mutuo non dicuntur: at Deus & homo de se mutuo dicuntur.

**QVOC** irca posteriores Theologivt sensum illius secundæ sententiæ retineat, compositionis tamen verbum omnino vitandum ac declinandum putant: ob eas quias in medium attulimus rationes: sic enim accipi cōpositio consueuit.

**Caiet. 3.** Caietanus à compositionis vocabulo nō multū abhorret, dū modo aliquid, **p. q. 2. ar.** vitandæ calumniæ gratia adiungatur: est autem illud, quod compositio illa est inexplicabilis: vel quod illa compositio nō significat imperfectionem componentium: ob id autem non putat omnino repudiandum compositionis vocabulum: quia compositionis nomine significatur, illarū naturarū coniunctionem esse intimam & substantialē: vereq; esse: quāuis eandem minus intelligentia consequiamur: hanc eandem causam asserit veteres impulisse: vt compositionis verbo vterentur: Quo eodem vtitur etiam Aug. **4.** vt referat Lombardus. 6. distinctione tertij. Etenim. 13. de Trinitate libro sic ait: sic Deo coniungi potuit humana natura, vt ex duabus substantijs fieret vna persona: ac per hoc iam ex tribus, Deo scilicet anima & carne. Item libro sententiarum Prosperi sic ait Aug. modis omnibus approbamus, Sacramentum ecclesiæ, duobus cōstare, & duobus cōfici, visibili eleuentorū specie, & inuisibili domini nostri IESV Christi carne & sanguine, sacramento, & re sacramentali, idest, corpore Christi: sicut Christi

per-

**Augusti.**

persona constat, & conficitur ex Deo & homine: cum ipse Christus verus sit Deus, & verus homo. Omnis enim res illarum rerum naturam, & veritatem in se continet, ex quibus conficitur.

CÆTERVM cōpositionis nomen Theologi in hoc mysterio variè interpretantur, quorum interpretationes, lubet, docendi gratia, subiungere. Sunt qui compositionem ad subsistentiam, auctore Magistro, referant: aiunt enim diuinam personam, qua verbum est, esse simplicissimam: qua vero subsistens est, esse compositam: vt quæ in duabus & ex duabus naturis subsistat. Non tamen illa persona simpliciter est facta: vt sit effecta hominis persona: vt supra ex posuimus. Hac eadem distinctione usus est D. Tho. lib. 3. q. 2. art. 4. inquit enim Verbi personam, secundum rationem personæ, quæ in eo posita est vt subsistat in natura, post unionem evasisse compositionem: siquidem unum in duobus, & ex duobus subsistat. Idem secundo argumento occurrens ait, hanc compositionem non esse in partibus sed in numero positam: non enim duæ naturæ ceu partes unum tertium conferunt: sed in una hypostasi conuenerunt: quomodo duci potest compositionum illud omne, in quo duo conuenerūt: vt musicum, & album. Ad eundem modum Augustini sententiam explanat interpres qui trito inscholis vocabulo, glossator dicitur, de consecr. dist. 2. ca. Hoc est quod nobis. Sic enim inquit, quasi in se habet diuinitatem, & humanitatem, alterum naturaliter: alterum per unionem: non enim ex homine, & Deo aliquid constituitur: sed sicut ad constitutionem alicuius totius exiguntur ad minus duo ita ad hoc, vt Christus sit Deus & homo, ex igitur vt illa duo sint in eo. i. humana natura & diuina: & hac similitudine dicitur constare ex illis.

JOANNES Bona. 3. sent. d. 6. q. 2. compositionem interpretatur non quidem proprie. i. duarum rerum ad unum aliquid efficiendum coniunctionem: sed latius ac minus proprie, hoc est, cum alio positionem, nam personalis unio fuit quædam huius generis compositionis: nam carnis assumptione effectum est, vt illa persona, quæ ante carnis assumptionem unius dunt taxat naturæ erat hypostasis, duarum naturarum hypostasis fieret. Hanc cōpositionem appellat Caiet. compositionem cum his, nam incarnatione effectum est, vt persona Verbi coniungeretur cum hoc quod est esse hunc hominem: non quia hunc hominem assumperit: sed quia Deus adiūcta sibi humanitate effectus sit hic homo.

SCOTVS. 3. sent. d. 6. q. 3. compositionem referendam putat ad veram, & inconfusam duarum naturarum existentiam, ita enim inquit, vere insunt in

Thom.  
3 P q. 2.  
ar. 4.

De cōfe-  
craziōe.  
d 2c. hoc  
est.

Bona. 3.  
sen. d. 6.  
q. 2.

Caiet. 3.  
P. q. 2. ar.  
4.

Scot 3.  
sent. d. 6.  
q. 3.

Verbo natura diuina, & humana: ac si personam componerent: <sup>re ipsa</sup> etiam nulla estibi compositio. Consentanea est huic interpretationi interpres eius qui, vulgo glossa dicitur, explicatio. Christi persona conficitur ex Deo & homine, id est, est verus Deus: & verus homo: non enim ex Deo: & homine aliquid conficitur, & constituitur: vnde August. Christus est una persona, geminæ substantiæ: quia Deus, & homo: neq; Deus, huius personæ pars dicitur.

Du. 3. f. D VRAND VS. 3. sent. d. 6. q. 3. Hanc compositionem ita accipiēdam pugnat, ut sit compositione non quidem huius ex his tanquam ex partibus. Nam res in hunc modum composita pendet ex ijs ex quibus componitur: estq; ipsi posterior: sed ut sit potius compositio huius ad hoc non quidem per in-hærentiam vnius ad alterum, cuiusmodi est compositio accidentis cum subiecto: sed per dependentiam habitudinis relatiæ, ita ut vnum sit inexistentis alterum vero subsistens terminans respectum, & dependentiam inexistentis. Persona igitur illa diuina, quæ prius in diuina natura subsistebat, assumpta carne, per diuinam subsistentiam, assumptæ naturæ dependentiam terminauit.

HÆC accepimus à Theologis nostris quæ eadem & nos ipsi comprobamus. Ut tamen rem totam quam breuissimè explicemus: omniumq; sententias complectimur, adhibendam putamus hanc distinctionem: Cōpositio capitur bisuriā in uno modo pro multarum rerum ad vnum aliquid efficiendum coniunctione atque conciliacione: altero modo pro multarum rerum in uno aliquo concursu & conspiratione, dum modo illa multa inexstant: prior modo non cadit in Christum compositio: nam huius generis compositio ex multis ceu ex partibus conficitur: iam vero Chri-

**In corci** stus ex diuina, humanaq; natura: ceu ex partibus minime constat. Quocir-  
**Ijs tem.** ca minus Theologice & ad fidei synceritatem accommodate à Iustiniano im-  
**I. ad cal- cē.** peratore alioqui pietatis amātissimo, dictū est, Christū ex diuina humanaq; natura ceu ex partibus esse compositū. Nam cū missō ad summū Pontificē

Ioannē secundum edicto, suam de relegione Christiana sententiā explicaret, de Christi mysterio agens sic inquit. Ex vtraque natura, id est, ex deitate & humanitate, vnum Christum compositum dicentes: confusionem vnitio-  
ni non introducimus: differentiam autem naturarum, ex quibus cōpo-  
situs est, significamus non interemptam propter vnitatē, quoniā vtraq; na-  
tura in ipso est. Cū enim compositionē dicamus necesse est confiteri, & par-  
tes in toto esse, & totum in partibus cognosci. Neq; enim diuina natura in  
humana

humanam transmutata est, neq; humana natura in diuinam conuersa est. Colligit Iustinianus ita duas naturas in vno Christo conuenisse, vt nulla sit effecta naturarum confusio, ex eo quia Christum profitemur ex duabus naturis esse compositum: iam vero compositio, partium distinctionem requirit: necesse est enim partes inesse in toto, & totum in partibus cerni. Quibus verbis a parte videtur Imperator sentire, Christum ex duabus naturis ceu ex partibus constare: quod tamen esse falsum multis iān argumentis docuimus. Hoc igitur loco minus erudite locutus est Iustinianus: sic etiam loquitur Damas. lib.3. cap.4. Christum inquit, interdum ex altera partium nominamus: Deum videlicet, solum: aut hominem, solum. Cæterum compositio posteriori modo, huic mysterio congruit: Nam duarum naturarum effecta est in una verbi hypostasi conspiratio, concursio: atq; coniunctio, omni sublata confusione.

## Quæstio. VII.

*Anne Christus ex duabus naturis subsistat?*

**E**XISTIT hoc loco quæstio haud vulgaris. Anne recte dici possit Christum ex duabus naturis subsistere: quemadmodum dicitur in duabus naturis subsistere? Non esse abhorrentem hanc dicendi formā à fide christiana ex eo intelligi potest, quia viri doctissimi & de fide recte sentientes, eadē ipsa vtuntur. Damascenus. li.3.c.3. sic ait: ex diuinitate siquidem, & humanitate perfectum Deum, & perfectū hominem: eūdem & esse, & dici, ex duabus & in duabus naturis confitemur. Diuus Athanasius testatur Christum cō esse perfectū hominem, quia ex anima rationali, & humana carne subsistat. Magister eandem dicendi formam frequenter usurpat. 3. sen. d. 6. & .7. Magistri quaeadem vtitur ecclesia, cum Ep̄is constituitur. Credis, inquit, vnum, & vnicum filium Dei in duabus: & ex duabus naturis? Respondet is qui instituitur, Credo.

**C**ÆTERVM minus esse congruentem hanc dicendi rationē cum Christi mysterio ex eo perspici potest: quia in Christo vna est <sup>subsistentia</sup> substantia, diuina. sed ad quam humana natura assumpta est: quæue est diuinæ naturæ cum humana cōmunis: non enim Dei Verbum incarnatū humana, sed diuina prorsus subsistentia subsistit: non igitur ex humana natura subsistit, neq; humana natura ipsi estratio subsistendi.

HIVVS porrò quæstionis hæc est explicatio. Subsistere duobus modis accipitur, simpliciter videlicet, & in tali natura, vtrumq; conuenit Verbo Dei: est enim simpliciter subsistens, & in diuina, humanaque natura subsistens. Subsistere simpliciter & in diuina natura conuenit Christo eo quia est Verbum Dei: quaenam Verbum, hoc est, persona proprietate distinguita, subsistens est: qua verò diuinum Verbum in diuina natura subsistens est: ex diuina tamen natura persona illa diuina consequitur & quod simpliciter subsistat, & in diuina natura subsistat. Subsistere vero in humana natura conuenit Dei Verbo, eo quia incarnatum est, nam carnis assumptione effectum est, ut Deus esset homo: quoniam vero homo est Dei Verbū, proinde in natura humana subsistit. Hinc iam intelligitur, Dei Verbū ex humana natura subsistere, esseq; humanam naturam illi rationem subsistendi, non quidem simpliciter: & omnino, sed in tali natura. s. humana: estq; proinde in Christo duplex subsistendi ratio, vna ex esse diuino: altera ex esse humano profecta, idq; tam in fieri quam in factō esse, ut dicitur. A cratio subsistēdi in diuina natura in fieri: est generatio eterna per quam Verbum ipsum esse diuinū consequitur: in factō vero esse, est esse Deum. Subsistendi porrò in humana natura ratio in fieri, est humanæ naturæ assumptio: in factō esse, est esse hominem. Ut igitur sit in domino IES V Christo vnicā subsistētia: siue vnicā subsistēdi ratio simpliciter, est tamen duplex subsistēdi ratio in tali natura, quemadmodum docuimus.

## DE RATIONE SIVE QVALITATE

coniunctionis.

*Qualis sit illa coniunctionis?*

**D**OCVIMVS humanam naturam Dei Verbo esse coniunctam: atq; ita coniunctam: ut non in natura, sed in diuina persona Verbi sit esse. Et a coniunctio reliquū est, vt explanemus qualis nam sit illa coniunctio: nam supposito siue hypostasi varie coniungi aliquid potest, aut enim secundum substantiam: aut accidentario coniungitur: secundū substantiam, personæ coniunguntur omnia interna: siue totū conficiat: vt manus, pes, &c. siue ad essentiam attineant, vt natura ipsa, que cum hypostasi comunicatur. Accidentario coniunguntur hypostasi omnia accidentia, siue inhæreant in supposito: vt albedo & magnitudo: siue adiaceant, vt vestis.

Quæstio

## Quæstio. VIII.

*Sit ne illa unio substantialis an accidentaria?*

**E**XQVIRENDVM nobis igitur est, quo genere cōtineatur persona-  
lis hęc naturę humanae cū verbo coniunctio. Certe D. Paulus sensisse vi- Phil. 2:1  
detur hanc coniunctionē esse accidentariā: vt qui confirmet Christū Dei filiū,  
hominum similitudinē gesisse: & habitu inuentū esse vt hominem: natura  
igitur humana D. Pauli testimonio & sententia Verbo Dei ceu habitus cō-  
iungitur: at habitus accidentario rei coniūgitur: vt qui adiaceat: non insit in  
re vestita, confertenim vestis esse vestitum: quod ipsum est accidentarium.  
**Q**uamuis enim vestis sit substantia: esse tamen vestitū, est esse accidentariū:  
nempe quod rei accedit naturalis essentia perfecte: & absolute. Ad eundem  
etiam modum, vt sit natura humana in substantijs, quia tamen adiuncta est  
rei naturalis essentia perfecta, proinde accidentario coniuncta est: largiturq;  
rei cui coniungitur, esse accidentarium, quemadmodum indumentum rei  
vestitæ esse accidentariū tribuit.

**Q**VO circa notandum est hoc loco, duplia esse, quæ largiuntur esse accide-  
tarium: quædam enim sunt suapte natura accidentia: vt albedo: magni-  
tudo: hæc enim & suapte natura sunt accidentia: & esse accidentarium lar-  
giuntur, quippe cum rebus adueniant naturalem essentiam consecutis: sive  
alia quæ suapte natura sunt illa quidem substantiae, esse tamen accidenta-  
rium præstant, vt quæ rebus naturali essentia perfectis adiungantur, vt om-  
nia indumentorum genera. Cum igitur natura humana à verbo assumpta  
sit substantia: accesserit autem rei naturalis essentia perfecte, personæ s. & hy-  
postasi Verbi: hinc sit, vt videatur eidem ceu vestis esse coniuncta: ac proinde  
non essentiale sed accidentarium esse tribuerit.

**H**ANC porrò sententiam illa duo maximè confirmant: & quia natura hu-  
mana non pertineat ad essentiam Verbi: nō enim natura humana est in di-  
uinam essentiam commutata: iam vero quod de redicitur, & ipsius natura:  
& essentiam minime attingit: accidentario & fortuito in re illa dicitur, &  
quod natura humana sit Verbi instrumentum: iam autem omne instrumentum  
externum aliquid: & aduentitiū est.

**A**DIVNGVNT hæretici, quæ differunt supposito: accidentario coniun-  
guntur, Deus & homo assumptus differunt supposito, accidentario igitur cō-  
iungitur. Quocirca ponunt hæretici quinquuplicem coniunctionis modum

hominis assumpti cum Deo: per inhabitacionem sive per affectum, per actionem, per dignitatem & honorem, per appellationem. Per inhabitacionem homo assumptus Deo coniungitur, quatenus verbum in ipso ceu in templo inhabitat. Per affectum, quatenus voluntas hominis cum diuina voluntate semper congruit: per actionem, quatenus est diuinæ actionis instrumentum: per honorem, quatenus eodem ac pariterque honore afficitur, nam cum Verbum Dei colitur, & assumptus homo colitur. Per appellationem, quatenus deitatis appellatio homini attribuitur, dicimus enim hominem illum esse Deum. Hæc porro quincuplex coniunctionis ratio accidentaria est.

AT recta de mysterio Christi persuasio tradit, hanc qua de agimus, coniunctionem esse substantialem, naturamque humanam assumptam à verbo & esse substantiam: & largiri eidem esse substantiale. Id vero hisce rationibus confirmo. Id largitur esse substantiale rei alicui, quod de re illa dicitur in ea quæstione, quarei natura, & essentia exquiritur: nihil enim sic dicitur, quin ad rei naturam: & essentiam attineat: At humana natura dicitur de Christo in ea quæstione, qua quid est res queritur, nam rogati quid est Christus: aptissime respondetur, esse Deum & hominem: relinquunt igitur humanam naturam esse substantiale Christo tribuere.

ITEM humana natura largitur Christo esse hominem: at esse hominem est esse substantiale: largitur igitur eidem esse substantiale: ac proinde coniunctio est substantialis, non accidentaria. Prior sumptio hinc intelligitur, quia natura humana sic est à verbo assumpta, ut ipsius iuteruentu verè & simpliciter, non sola autem intelligētia, similitudine, specie, aut representatione idem verbum sit homo. Neque est quod nobis aduersarius opponat hoc loco illam dicendi formam à Paulo usurpatam: Christum videlicet esse in similitudinem hominum factum: & σχήματi habitu, siue specie & figura inuentum esse hominem, nam huiusc sententiae explanationem paulo post subiungam.

ITEM si natura humana verbo accidentario esset coniuncta, non verè diceretur Christum esse hominem: sed esse humanatum: quemadmodum homo veste indutus, non dicitur vestis, sed vestitus: at omnes etiam heretici Christo domino hominis appellationem tribuunt, non igitur humana natura ipsi accidentario ceu vestis coniungitur. Cum autem dicitur verbum illud humanum humanatum: siue incarnatum, illa attributio est denominativa voce duntaxat, non reipsa, nam forma appellationem tribuens non heret

in ver-

in verbo: sed eidē hypostatice coniungitur: quo eodem denominationis genere, ferrum dicitur ignitū.

ADDE his: Quia sicut hominem Christo accidentario conueniret, esse humanum Christum multo esset ignobilis, quam humanum esse nostrum; ut quod sit substantiale: iam vero esse accidentarium multo est ignobilis quā esse substantiale. Hoc vero quā est impīū sentire: & asserere?

ACCEDEDIT, quia Christus hominum neq; genere, neq; specie continetur, ac proinde ipsius mors nihil nobis utilitatis attulisset.

AD ext̄num, Arist. authore, quod verè est, id est, substantia nulli accidit, humana natura est substantia, nulli igitur accidit: idq; eo vel maximè confirmatur, quia diuina persona nullum esse accidentarium potest admittere: quippe cum non possit esse subiectum inhärentię: ut satis constat. Haec est pia ac recta de diuina illa coniunctione persuasio, quam eandem Alexáder. 3. confirmavit, ita statuens ac decernens, cum Christus sit perfectus Deus: & perfectus homo, mandamus, quatenus sub anathemate interdicas, ne quis de cætero audeat dicere, Christum, secundum quod homo non esse aliquid.

Quia sicut Christus verus est Deus: ita verus est homo: ex anima rationali: & humana carne subsistens. Certe non esset Christus verè homo, si humana natura ipsi accidentario conueniret. In hac eadem sententia sunt omnes sacri: & orthodoxi doctores: asserentes Christum verum, ac plenum esse hominem: verum quidem, quoniam verè: ac re ipsa & simpliciter habet humanam naturam, non intellectu: aut imaginatione, non specie, aut habitu, aut ex parte: plenum verò quoniā substancialiter assumpsit ex corpore, & anima conpositam. Aug. de Fide ad Pet. c. 2.

Extra de  
hæreti-  
cis. ca. cū  
Christ9.

RELIQVA est aduersariorum argumētorum explicatio. D. Augustinus locum illum D. Pauli explanans, habitum in tria genera distribuit: scilicet in habitum animi, vt disciplinam usu & exercitatione confirmatam, in habitum corporis: quomodo dicimus, unum altero esse valentiorē: & in habitum eorum quae exterius corpori accommodantur, quomodo dicitur homo vestitus, tunicatus, & petasatus. In omnibus autem hisce generibus ait, habitus nomen ductum esse à verbo habere, vt scilicet habitus in ea re dicatur, quę nobis, vt habeatur, accedit: idq; quadrifariam, aut enim ita extrinsecus accedit vt communet habentem: & afficiat, ipsum autem non mutetur, vt omnis habitus animi, afficit enim rem subiectam & immutat: ipse tamen nō afficitur: vel certe ita accedit, vt neq; afficiat, neq; afficiatur, vt annulus digito impositus: hoc vero tu mihi intellige de alteratione, quae sit secū-

dum qualitatem absolutam. Aut ita accedit, ut & mutet: & mutetur, ut alimentum: mutatur enim ipsum, quatenus concoctum speciem amittit, mutat vero, quatenus corpori assert accessionem: ipsumq; valentiusefficit. Et quartum genus, quod ipsum adueniens mutatur, habentem tamen non immutat, ut vestis. Namq; vestis corpori accommodata, ad corporis specie transferitur: recipit enim omnem corporis conformatiōnem. Hoc quartū genus dicit Aug. Christi mysterio congruere: nam Dei Verbum sicut hominem induit, ut in homine mortalium conspectui exhiberetur: & hominem assumptum ad excellentiorem statum, nulla ipsi interim allata mutatione, perduceret.

**Aug. 33.** SED iam Augustini verba proferamus: ipse susceptor, verum hominem suscipiendo, habitu inuentus est ut homo, id est, habendo hominem inuentus est ut homo, non sibi, sed ijs quibus in homine apparuit. Quod autem dicit ut homo, veritatem exprimit. nomine ergo habitus satis significauit. Apostolus qualiter dixerit in similitudinem hominū factus, quia non transfiguratione in hominem: sed habitu factus est cum indutus est hominem: quem sibi vniens quodam modo: atq; conformans, immortalitati: & eternitati sociaret. Non ergo oportet intelligi mutatum esse verbum susceptione hominis, sicut neq; membra ueste induta mutantur: quamuis illa susceptio ineffabiliter susceptum, suscepti copularet. Natura igitur humana à Verbo Dei assumpta diuabus maxime rebus cum habitu siue indumento

**Thom.** consentit: & quia Verbū Dei hominibus intuendū præbuit: & quia ad diuinā sit personā accommodata: ipsiq; coniuncta, sit melior effecta.

**Bona. 3.** BONA VENTURA hanc similitudinem in eo positam esse putat: quia quemadmodum uestis: siue habitus accedit rei naturali essentia perfectæ: itemq; significat adjacentiam duarum naturarum, siue substantiarum, conservata utriusq; substantiæ proprietate: ita etiam humana natura accessit personæ perfectionem naturalem ex diuina essentia consecutæ: sicque illi personæ coniungitur, ut interim utriusq; naturæ proprietas conseruetur.

Hinc colligit D. Bon. posse dici, si modopie ac recte intelligatur, naturam humanam vñiri verbo quodammodo per modum accidentis. Etenim accidentis, ut albedo, accidit rei iam perfectæ, & alieno nititur supposito, ad eundem modum Christi humanitas à diuina hypostasi sustentatur ex diuina natura naturalem perfectionem assecuta. Cæterum quia natura humana non adiacet extrinsece, neq; hæret in persona Verbi, proinde non omnino accidentario coniungitur diuinæ personæ, sed substancialiter.

D.Tho.

D.Tho.non negat accessisse naturam humanam rei iam completæ: negat tamen inde confici, accidentario illi coniungi: nam quod aduenit rei completæ, neq; esse præexistentis consequitur, accidentario aduenit: quo efficitur ut albedo sit accidens: namq; accedit rei iam completæ: neq; habet cōmune cum resubiecta esse, aliud est enim esse albi: aliud esse hominis, cui accidit albedo. Iam vero natura humana ut accesserit hypostasi naturali essentia perfectæ, quia tamen ad cōmunionem esse diuini, non quidem prout est naturæ, sed prout est hypostasis & personæ, assumpta est, proinde non cōiungitur verbo accidentario, sed secundum substantiam.

EST quod obijci contra possit: inquit enim D.Thomas, albedinem propterea accidentario conuenire: quia aduenit rei iam completæ, neque ad cōmunionem eiusdem esse traducitur, aliud est enim esse albi: aliud esse hominis: contra quod res habet in natura humana verbo coniuncta. Cum triplex sit esse, essentiæ videlicet, existentiæ, & subsistentiæ, lubenter rogarem D.Thomam, cuiusnam esse cōmunionem accidenti detrahatur, an ne essentiæ? id quod ipsius verba præ se ferre videntur, ait enim aliud esse, hominis, & albi esse, videtur esse hominis & albi aliam atq; aliam essentiam declarare. Si igitur essentiæ & naturæ cōmunione detrahitur, non est quod hac rese iungatur accidens rei subiectæ accedens, ab humana natura: siquidem neq; humana natura sit esse essentiæ diuinæ naturæ, interuentu coniunctionis, consecuta.

SI cōmunionem esse existentiæ detrahit, falsum dicit, & secum ipso pugnat: ac falso ipsum sentire eo intelligitur, quia accidens, non alia existentia existit: quam existentia rei subiectæ. Etenim Aristotele authore, accidens est ens, quia entis est affectio: iam vero si accidens haberet per se existentiæ, esset per se ens, ad hæc perse citra rem subiectam posset existere. Sibi vero ipsi repugnat, siquidem in ea sit sententia ut dicat, omnia quæ in eadem hypostasi cernuntur, existere per unum, & idem numero. Si igitur de esse existentiæ sermo est, falsum est id quod asserit, accidens non habere idem esse existentiæ cum resubiecta cōmune. Vtrum veronatura humana à Verbo assumpta habeat idem esse existentiæ cum verbo cōmune, versari in controuersia consueuit: quæ à nobis post est explicanda. Multis placet, ijsq; viris doctissimis naturam humanam diuinæ personæ Verbi coniunctam habere propriam existentiam. Iam vero ut cōmunionem subsistentiam detrahatur fieri non potest: nam accidentis natura sic est comparata, ut neq; per se neq; per aliud subsistat: nā subsistere propriū est substantiæ.

Thom.  
3. p. q. 2.  
ar. 6. ad. 2

Arist. 73  
Metap.

Tb. 3.  
p. q. 17.  
ar. 2.

QVO

<sup>3. sent. d</sup>  
<sup>6. q. 4.</sup> QVOcīrca sentiendum potius puto cum Bonau. & Durando. Etenim ho-  
rum sententia, natura humana assumpta à Verbo, vt accesserit rei iam cō-  
pletæ, non tamen accidentario illi eidem couuenit, siquidem non inest per  
inhærentiam, aut externam adiacentiam, namq;, vt ait Dur. humana na-  
tura aduenit personæ diuinæ iam completæ, in idem, quoad suppositum  
incidens, absq; inherēntia: & hactenus, inquit, dici potest naturā humanam  
accidentario coniungi, &c.

SED redeamus eo, vnde defluximus: vt sit natura humana Verbo coniū-  
cta persimilis habitui, hoc tamen interest, quia natura humana est vnum hy-  
postasi: & supposito cum Verbo Dei, ille enim homo qui est IESVS Chri-  
stus, non alia subsistentia subsistit, quam diuina & increata: neq; hominis il-  
lii est aliud suppositum, quam diuinum: At habitus non est vnum hypo-  
stasiac supposito cum habente: alia est enim uestis, & alia habentis uestem  
subsistentia: aliudq; suppositum.

AD hæc: habitus largitur habenti esse accidentarium, humanitas verò at-  
tulit Christo esse substantiale.

SECVNDVM argumentum ita explicatur. Natura humana vt non per-  
tinet ad essentiam Christi, qua Deus est, pertinet tamen ad essentiam Chri-  
sti, qua hic homo est: Etenim natura humana sic est assumpta à Verbo, vt nō  
in ea solum, verum etiam ex ipsa suppositum illud diuinum subsistat: con-  
stituit enim natura humana Verbo coniuncta ipsam Verbi personam in esse  
humanæ personæ, ac quatenus constituit ipsam nature humanæ hypostasim,  
efficit vt Verbum Deisit hic homo. Interest tamen inter suppositum hu-  
manum: & suppositum diuinum vt humanum: quoniam suppositū hu-  
manum, in & ex humana natura subsistit naturaliter: at suppositum Verbi  
in & ex humana natura per gratiam, ac diuinam liberalitatem subsistit.  
Namq; diuina bonitate & beneficentia effectum est, vt humana natura di-  
uinæ personæ Verbi coniungeretur, ac proinde illud idem diuinum suppo-  
situm fieret humanæ naturæ suppositum. Ex quo iam intelligitur diuinam  
illam Verbi hypostasim, esse diuinæ naturæ hypostasim internè & natura-  
liter, humanæ verò, externè, & gratuito.

<sup>Caiet. 3.</sup> SVNT qui vnionem hypostaticam distinguendam existiment: namq;  
<sup>P. q. 2. ar.</sup> vniri ac coniungi bifuriam res possunt hypostasi, uno modo vt insint in hy-  
<sup>6. ad. 3.</sup> postasi: & eidem coniungantur: altero modo vt non solum insint in hypo-  
stasi: verum etiam rei illi secundum hypostasim coniungantur: coniungi  
verò alicui secundum hypostasim, est rem aliquam ita inesse in hypostasi,

ut hypostasis in illa, & ex illa subsistat. Hinc sequitur accidentia coniungi hypostasi: nempe quæ insint in hypostasi, non tamen rei coniungi secundū hypostasim: quandoquidem hypostasis neq; informa accidentaria: neq; ex forma accidentaria subsistat. Cum igitur natura humana sic sit copulata verbo: ut in illa & ex illa subsistat ut supra docuimus: efficitur, ut eidem coniungatur secundum hypostasim. i. secundum substantiam: ac proinde non accidentario: sed secundū substantiam.

TERTII argumenti explicatio est huiusmodi. Duplex est instrumentum: coniunctum vnum, & separatum alterum. Instrumentum separatum non assumitur ad unitatem hypostasis: neq; hypostatica unione ei, qui eo virtutur, coniungitur. Ut satis declarant a scia: & gladius quibus homines virtutur. Instrumentum tamen coniunctum hypostaticè unitur ei, qui eo virtutur: ut manus: aut caput: partes enim totius coexistunt, ut ita loquar, ac consubsistunt toti. Natura verò humana est instrumentum coniunctum diuinitatis, non autem separatum: ac proinde Verbo hypostaticè coniungitur, & secundū substantiam.

EST tamen hoc loco magnopere notandum: non fuisse effectam coniunctionem naturæ humanæ cum Verbo diuino per modum instrumenti: partim quia instrumentum qui instrumentum est non assumitur adducitur unitate ad unitatem hypostasis: At humana natura sic est diuino Verbo coniuncta ut fuerit ad unitatem hypostasis assumpta: partim quia toti trinitati effecta fuisset coniunctio: nāvio instrumentaria qua huiusmodi in efficientia cōsistit: iam quæcunq; Christus interuentu naturæ humanæ exequebatur: eadem & pater, & spiritus sanctus exequabantur. Pater, inquit, in me manens ipse facit opera: Non igitur natura humana Verbo Dei est coniuncta per modum instrumenti: ut sit tamen instrumentum: instrumentum autem cōiunctum: non separatum: quod pater, filius & spiritus sanctus addiuinas actiones obeundas vtebantur.

CVM itaq; admirabilis hæc humanæ naturæ cum Dei filio coniunctio: sit coniunctio in essendo, non vero in efficiendo, natura enim humana sic cōiuncta est Verbo, ut ad communionem diuinie sit assumpta: non autem ut sit instrumentum solum diuinæ efficientiæ: item hanc coniunctionem illud consecutum est, ut Deus esset homo: non solum autem ut hominis interuentu, actiones obiret: sequitur minus recte comparari huiusmodi unionem cum cōiunctione animi cum corpore seu instrumento coniuncto, id quod paulo post diligenter exquireremus.

AC

**Cyrillus** AC vniō hanc esse essentialem non instrumētariam, **Cyrillus** author  
in epistō la ad mo grauiſſimus declarat his verbis, hunc Emanuelem non tamquā instrumen-  
nachos tio officio assumptum, testatur scriptura, sed tanquam Deum verē hominem  
**Egipli.** effectum. Porrò cum sancti diuinorum mysteriorum interpres naturam  
humanam instrumentum Verbi esse dicunt, id accipiendum est per quan-  
dam consecutionem. Nam ex vniō, ut ita loquar, in effendo consecuta ac  
profecta est vnio in efficiendo: illa enim prior est, hæc posterior, nobis tamē  
cognobilior, &c.

**Phili. 2.** HÆRETICORVM argumentum diluitur negata propositione mino-  
reiam enim ostendimus in Christo esse vnicū duntaxat suppositum, idq;  
diuinum: quod in duabus naturis humana. & diuina subsistit. Valeat er-  
go impiissimus Nestorius qui duas Christo hypostases tribuens: natu-  
ram huminam assumptam fuisse assertuit per modum instrumenti, non  
per subsistentiam, &cæt.

### Quæſtio. IX.

*Vtrum in rebus creatis reperiatur vnio & coniunctio aliqua:  
cui haec qua de agitur, sit similiſſima?*

**Q**VONIAM D. Paulus hanc sacratissimam vniōnem cum vniōne  
habitus, & applicatione: siue accommodatiōne ad habentem compa-  
ratam esse voluit: postulare hic iam locus videtur, ut exquiramus: Anne in  
rebus à Deo effectis, vniōnis aliquod genus cernatur, cui hęc, qua de agitur,  
vno similiſſe videatur. Conuenit igitur inter Theologos de affirmatione:

**Scot. 3.** varij tamen varia proferunt vniōnum genera: in quibus Scotus hanc vniō-  
**sen. d. 1.** nem similiſſam esse afferit vniōni ei qua forma accidentaria cum re subie-  
**q. 1.** cta coniungitur. Etenim in huiusmodi coniunctione duplex cernitur habi-  
tudo siue affectio accidentis ad rem subiectam: vna informantis ad rem  
quam informat: altera posterioris ad id quod est prius è quo forma accide-  
taria pendet, non tanquam ex causa (nisi forte ut materia, id quod recidit in  
priorē affectionem) sed tanquam exterminante ipsius actualē existen-  
tiā: quod ipsum terminationis genus dicitur, sustentare dependentiam,  
siue sustētificare. Inter vtramq; habitudinem interest plurimum. Nam illa  
prior imperfectionem continet, scilicet potentiam rei subiectæ, quæ à for-  
ma accidentaria ceu ab actu secundo perficitur: hæc vero posterior habitu-  
do,

do, nihil imperfectionis assert rei subiectæ: sed prioritatem dūtaxat naturę, & vim ad sustentandam alterius naturę dependentiam.

**VNIONEM** igitur Verbi incarnati persimilem esse dicit vnioni accidētis cum res subiecta, quo ad posteriorem habitudinem dūtaxat: Namq; humana natura affecta est addiuinū suppositū, ceu ad id quod terminat, quod uel sustinet ipsius dependentiam.

**ADDE**, inquit, Gabriel, quia accidentis & res subiecta cōmuncem habent per cōcretionem, denominationem, & appellationem. Etenim ex albedine res subiecta dicitur alba: & quæ insunt in res subiecta, dicuntur in accidente per concretionem: nam album est musicum: album est deambulans: albū est homo: est animal. Ad eūdem modum ex humana natura assumpta, Dei Verbum hominis appellationem consecutum est, & quæ Dei sunt propria, in homine illa dicuntur: dicitur enim homo ille, creator, dicitur Deus omnipotens. Accedit ijs, ait Bona, quia forma accidentaria accedit rei, naturali essentiæ perfectæ, neq; largitur illi esse: sed hærens in supposito alieno, ab eodem sustentatur. Adeundem prorsus modum humana natura accessit diuinæ personæ iam absolutæ, & perfectæ, neque largitur illi esse: sed ad communionem diuini esse assumpta, diuina hypostasi sustentatur.

**SVNT** qui hanc comparationem minus probent: siquidem per utramq; habitudinem forma accidentaria rei subiectæ accidentario coniugatur: vno autem naturæ humanæ ac coniunctio cum diuina verbihypostasi substantialis est. Hæc Caietani refutatio minus valet ad infirmādā allatam comparationem: siquidem propositū est viris Theologis affirre aliquod vnionis genus, quod sit simile vnioni Verbi, non idem: iam vero similitudo non est aliquorū plena cōsensio: sed incertis quibus dā conspiratio.

**DVRANDVS** similem esse tradit hanc diuinam vnionem insitioni: qua vnius arboris ramus, & surculus alteri inseritur. Etenim in vniione per insitionem tria conspicuntur: scilicet continuatio rami insiti cum arbore cui inseritur, quæ fit per contactum: utriusque naturæ distinctio: non enim id quod per insitionem adiungitur, in naturam eius cui adiungitur, cōmutatur. Est præterea vnitas suppositi: nam idem utriusq; rami truncus est, uno eodemq; trunko utriusq; arboris surculi sustentantur. Excepto itaq; primo membro, reliquis duobus membris vnio Verbi incarnati est persimilis. Nam humana natura, & diuina in una Verbihypostasi coniunguntur, conservata interim utriusq; naturæ proprietate: estq; natura humana in diuino supposito quasi insita: & ab eodem sustentata. Huic comparationi diuinæ

Gabr.  
sent. d. 1  
q. 1.

Bona. 3.  
sent. d. 6.  
q. 3.

Caiet. 3.  
p. q. 2. ar.  
6.

Du. 3. s.  
d. 1. q. 1.

literę

literè videntur admodum suffragari: quæ Christum radicem Dauidis appellant. Ego, inquit Christus apud Ioannem in Apocalypsi, sum radix Dauid: stella splendida: & matutina. Quemadmodum enim ex radice, siue ex trunko: & ex ramo insito fit unum quiddam insitionis interuentum: ita ex diuina persona ceu ex radice ac trunko, & ex humana natura, ex Dauidis semine propagata, effectus est unus Christus, interuentu incarnationis ceu cuiusdam insitionis. Itaque diuina persona est truncus: diuina natura naturalis huius trunci ramus: humana natura ex virgine sumpta, & diuinæ personæ coniuncta, ramus est insitus: ipsa incarnatio, veluti quedam est insitio.

**CAIETANO** Hæc comparatio non probatur: partim quia huiusmodi locutio metaphorica est: partim quia ramus insitus & naturalis non sunt unum hypostasi: neimpè quis specie dissideant: iam autem quæ dissident specie substantiæ, ut sint unum numero fieri non potest. Etenim auctore Aristoteles. Metaphys. quæ sunt unum supposito: sunt unum numero: quæ autem sunt unum numero, sunt unum specie: non tamen contra. Quæ igitur dissident specie: numero etiam differant necesse est: ac proinde hypostasi. Videntur tamen ramus insitus & ramus naturalis esse unum supposito: propter continuationem in uno eodemque trunco.

**NOS** contra illud obijcimus Caietano: quæcunq; sunt unum continuite, sunt unum numero ac supposito: sed ramus insitus: & ramus naturalis in trunco cohaerescunt: sicut igitur unum supposito, totali tamen, & radicali, ut ita dicam, non tamen partiali: ut manus: & vlna, quæ cum manu cohaerescit.

**D. Thomas** hanc unionem persimilem esse asserit unioni animi cum corpore, namque anima corpori coniungitur bifariam & ut forma materiæ: & ut instrumento, quo virtutur ad obeundas vitales actiones. Prior illa coniunctionis ratio ab hoc sacro sancto mysterio aliena est: namque anima sic iungitur corpori ut materiæ: ut ex anima & corpore certa quedam natura oriatur: At humana: & diuina natura sic coniunctæ sunt, ut interim ex illarum coniunctione non extiterit una aliqua natura. Posterior tamen coniunctionis ratio huic mysterio congruit. Etenim diuina natura humana natura sibi coniuncta virtutur ceu instrumento coiuncto.

**NOBIS** non placet huiusmodi similitudo: partim quia unio instrumentaria posita est in causando: ac proinde huiusmodi unio in actione consistet: ut visum est Nestorianis: partim quia instrumentum coniunctum, & id cuius est instrumentum, sunt indiuisa & cohaerentia, diuina autem & humana

mana natura non sicut habent: nisi forte dicas hasce duas naturas esse individuas & unitas hypostasi: id quod verissimum est, & haec tenus potest instrumenti coniuncti ratio conseruari. Hęc tamen instrumentaria similitudo, nō omnino aspernanda est: siquidem priisci diuinorum mysteriorum interpres ipsam recipiat, asserentes humanam Christi naturam esse diuinitatis instrumentum.

CÆTERVM illud omnino fatendum est, hanc Verbi vnionem esse singularēm: iuxta illud Hier. Nouum faciet dominus super terram, &c. Neq; posse in rebus esse etis aliquod vnionis genus reperiri, qui cum hoc valeat comparari: quodue cum hoc mysterio omnino, licet aliqua ex parte, congruat atq; consentiat: prę ceteris tamen vnio per insitionē, est huic sacro sancto mysterio accōmodata.

Hier.c.31

### Quæstio. X.

*Vtrum haec vniō sit creatum aliquid, & utrumque sit in relatis?*

ILLUD præterea exquirendum diligenter est, id quod ad qualitatem huiusmodi vnionis pertinet. Vtrum huiusmodi vniō sit creatum aliquid, utrumque sit in relatis? Ac esse increatum aliquid hinc vel maximè ostēdi potest, quia huiusmodi vniō inest in diuina persona: Etenim vniō in rebus inest ijs, quæ inuicem coniunctæ sunt: at diuina persona humanæ naturæ est coniuncta: inest igitur in ipsa vniō: At quod inest in Deo, diuinum quiddā est & increatum: est igitur vniō hęc, quæ nobis est ad explicandum proposita, diuinum aliquid, & increatum.

ACCEDEDIT, quia huiusmodi vniō: aut significat actionem: cuius intereuētu Deus creaturam secum coniunxit: aut habitūdine aliquā, relationē ueroū coniunctarū: fieri non potest ut significet relationem, ut iam ostendā: significat igitur diuinā actionē: At diuina actio est ipsamē diuinā essētia: est igitur vniō diuinā essētia: ac proinde increātū aliquid.

PORRO vniōem non esse in relati hinc perspici potest. Vniō Verbi incarnationis est substantialis, non accidentaria, ut docuimus: at relatio est in accidentibus: non est igitur huiusmodi vniō relatio.

ADDE, quia omnis relatio, aut quantitatis aut mensuræ, aut actionis passionis, autore Aristo est consequens: non videtur autem cuius sit conse-

Arist. 5.  
Metap.

E quens

quens huiusmodi relatio: non quantitatis aut mensuræ, ut satis liquet, neque itidem actionis passionis: partim quia actio, & passio versantur in qualitatibus alteratiuis: in quibus tamē hæc vnio minime versatur: partim quia huiusmodi relatio omnibus diuinis personis cōueniret: quippe quarū actio externa est indistincta & indiuisa: authore Aug.

ITEM si vnio esset relatio: diuinum Verbum esse humanæ naturæ suppositum nihil esset aliud, quam terminare dependentiam relatiuam naturæ humanae ad ipsum verbum: itaque fieret ut Christus esset homo relatiuè, & accidentario: immo vero falsum esset dicere Christum esse hominem: sed dicit debuit, esse ad hominem affectum. Nam vnum relatorū non dicitur alterū: sed ad alterum potius affectum.

ADIVNGE his, quia nihil idem sui ipsius est consequens: at qui vnio idem valet quod coniunctio: non est igitur coniunctionis consequēs.

CÆTERVM vniōnem esse creatum aliquid, hinc vel maximè efficitur, quia non semper fuerit, sed certo quodam tempore cœpit esse: iam nihil temporarium est æternū, & increatū.

ESSE verò in relat i hinc colligitur: quia vnio hoc ipsius quod est, alterius est. Estenim vnio rerū coniunctarū siue vñitarum vnio, & vñita vniōne dicuntur vñita, &c.

HIVVS quæstionis hæc est explicatio, vnio duobus modis accipitur, secundum formam s. & secundum materiam: vnio secundum materiam est ipsa realis vñitorum coniunctio, indiuisio, & conglutinatio: vnio secundum formam est quædam affectio, siue relatio vnius extremivnitati ad alterum, ex ipsa vñibilium coniunctione & indiuisione profecta. Nam vñitum non ad se dicitur sed ad alterum.

ILLVD præterea adiungimus indiuisionem, & indistinctionem naturæ assumptæ: & personæ assumentis, positam esse in vnitate, siue in diuisione & in distinctione suppositi: siue subsistentiæ: & ipsius esse, vt quibusdam placet, nam humana natura ad cōmunionem diuini suppositi, subsistentiæ & esse, assumpta est.

HINC iam consequitur in hoc factos sancto incarnati Verbi mysterio, duplice in cerni vniōnem: vnam, quæ est relatio: alteram, quæ est cōmunion: siue indiuisio suppositi, & esse, in qua illa prior fundatur: quæue est in causa, quod humana natura vñita, ad verbū cui coniungitur, referatur. Illa prior est quiddam creatum, reipsa existens hærenſque in natura humana assumpta: intelligentia duntaxat in Deo: vt quæ Deo accesserit, nulla ipsius

ante-

antecedente mutatione: mutata tamen creatura. Eo enim quod humana natura est ad diuinam Verbi personam assumpta: est orta in humana natura, quædam ad verbum assumens dependentia relatiua. Posterior tamen vnio, est diuinum quippiam, æternum & increatum. Nam suppositum, subsistere & esse, in quibus diuina & humana natura sunt indiuisæ, sunt ipse Deus & diuina substantia. Erit, quod obijci contra possit, illa suppositi & esse indiuisio temporaria est, ut satis constat: non igitur est aliquid increatum. Hoc facile explicatur, illud vnum esse: illud vnum subsistere, diuinæ & humanæ naturæ Christi: æternum quippiam increatum, ac diuinum est: ceterum communicatio illius vnius subsistentiæ, & esse, temporaria est.

ITA quecum indiuisio suppositi & esse, nihil sit aliud, quam esse vnum supposito & esse: illud autem vnum suppositum sit æternum: relinquitur coniunctionem illam admirabilem: quoad id quod ponit in ipso esse, esse æternum aliquid, & increatum: quoad id vero, cuius interuentu huiusmodi unitas communicata est, temporarium quiddam esse, est autem illud assumptio.

EST igitur, vnio duarum naturarum in Christo, relatio quædam creata, consequens unitatem personalem earundem naturarum: quo efficitur, ut natura diuina & humana, sint extrema: unitas in persona, fundamentum, habitudo vero vnius extremi uniti ad alterū sit relatio: quæ dicitur vnionis.

HINC iam perspici potest explicandorum argumentorum ratio. Primū itaque argumentum ita explicatur. Vnio fundamentaliter est substantia: formaliter vero est accidens: Addc quia illa vnio dicitur substantialis, quia terminatur ad esse substantiale, Deum videlicet esse hominem. Quocirca vnio hæc, quoad id quod significat, relatio est: quoad id vero, ad quod terminatur, est substantialis.

SECVNDI argumenti explicatio est huiusmodi. Relatio vnionis consequitur actionem, & passionem, hoc est, assumptionem tam actiuan, quam passiuam: quæ ipsa assumptio effectuè ipsi Triadi conuenit: terminatiuè vero soli filio: is siquidem naturam humanam ad se sumpsit.

Tertio arguento facile occurritur. Etenim Verbum illud diuinum humanæ naturæ coniunctum, primo dependentia suppositale naturæ humanae terminat, deinde vero accōsecutione quadā, dependentia relatiuā. Quo efficitur, ut incarnari, siue humanā naturā substentare: primū sit naturā ipsam humanā, sic diuino Verbo cōiungi, vt vnu quiddam sit in vtraq; natura subsistēs:

deinde vero, ac consecutione quadam, nihil sit aliud quam terminare dependentiam relatiuam ad ipsam Verbi personam, ita fit ut Christus sit homo absolute, non relatione quadam.

**Apud.c.** **QVARTVM** argumentum dissoluitur hoc pacto, vno ut est relatio, est  
**3. sét. d. 5.** habitudo quædam inter vñibilia orta ex ipsorum coniunctione: quæ devni-  
**q. 1. ar. 2.** one relatiua differimus: ac proinde Aureoli argumēta minus valent ad no-  
 stram sententiam refutandam: cum non solum ponamus dependentiā rela-  
 tiuam, verū etiam suppositalem: cuius est consequens illa dependentia, quæ  
 posita est in habitudine, & relatione.

**CÆTERVM** defundamento huius sacrosanctæ vñionis addubitari in  
 hūc modum potest. Omnis recens nata relatio consequitur recentem alicu-  
 ius rei absolutæ ortum, in utroque extremo: vel certe in altero extremitate,  
 at dependentia relatiua vñionis est recens <sup>nata, accessoriæ</sup> natu accesserit igitur oportet, or-  
 tu recenti rei absolute, non in persona Verbi: igitur in natura humana: At  
 nihil noui est æternum, & increatum: non igitur fundamentum huiusc vñ-  
 ionis est aliquid æternum: & increatum. Ac totius huius ratiocinationis  
 propositio ita ostenditur. Id quod omnino, quod ad se attinet, habet eodem  
 modo: etiam relatione ad quodvis alterum eodem modo habet: quare si  
 quicquā relatione ad alterum aliter sit affectum, sit etiam in seipso muta-  
 tum oportet.

**ADDE**, quia alioquirelatio motum vel mutationem immediatè termi-  
**Arist. 5.** naret: contra quod sentit Aristoteles docet enim motum primo non finiri rela-  
**phy.** tione, secundario tamen & consecutione quadam finiri. Etenim relatio  
 motu ad rem absolutam terminato, acquiritur: nam cum actio Ioannis,  
 ad substantiam quæ est Petrus terminatur, oritur in utroque extremitate mu-  
 tua affectio & relatio: in Ioanne quidē relatio paternitatis: in Petro vñ  
 relatio filiationis. Ponenda est igitur in natura humana assumpta, res aliqua ab-  
 soluta, ad quam sit assumptio terminata: cuius uè sit consequens relatio vñ-  
 ionis, &cæt.

**Scot. 3.** **JOANNES** Scotus nihil absoluti huiusmodi putat esse ponendum, id  
**sen. d. 1.** quod hisce rationibus confirmat. Illud absolutum si extaret, necessario  
**q. 1. ar. 3.** esset coniunctum verbo: Etenim diuinum illud verbum ut per se primo  
 sibi naturam humanam coniunxit: concomitanter tamen omnia quæ  
 inerant in humana natura sibi coniunxit. At nulla entitas huiusmodi vi-  
 detur extare.

**ACCREDIT**. Quia si illud absolutum esset, aut esset in accidentibus, aut  
 in

in substantijs: non in accidentibus. Nam humana natura prius natura omni accidente est assumpta à diuina persona: prius enim est assumpta in se, quā in quois posteriori: substantia autem, natura omne accidens antecedit. neque est in substantijs: illa siquidem substantia: aut esset eadem materiæ, aut formæ, aut toti ex utroque composito: quois autem modo sit eadem, illud consequitur ut distractis vnionis extremis, vnio ipsa permaneat: nam distractis extremis adhuc fundamentum manet: nempe quod sit idem materiæ aut formæ, aut toti composito: at manente fundamento manet relatio: distractis igitur extremis vnionis manet ipsa vnio: quod pugnat. Accedit quia non posset natura humana à Verbi persona diuelli: nam semper manente relatione vnionis, vnbilia manet vnita.

HISCE igitur argumentis Scotus persuasus, nihil absoluti statuendum esse censet in natura humana, quod fundet nouam illam vnionis relationem: quodcum necessario concomitetur vnio relationis: sed asserit illam vnionem immediatè fundari in natura humana, esleque immediatum terminū assumptionis. Quide sit ergo illius vnionis efficiens? Respondet interpres Scoti: effectricem illius vnionis causam esse beatā Trinitatē, &c.

PORRO Scotus illa duo aduersaria argumenta explicaturus, tradit triplices esse relationum genus: sunt enim quædam relationes, quæ positis fundamentis continuo ponuntur, nempe quia natura & essentia fundamenti requirat naturam & esse extremitati posito fundamento, & extremo, ponitur relatio. Hæ sunt relationes creaturæ ad Deum quatenus creator, posita enim creatione, ponitur & res illa, quæ est creatura: quæ posita continuo oritur relatio creaturæ ad creatorem. Item posita generatione Petri terminata ad rem quæ est Ioannes: cōtinuo existit mutua utriusq; ad utrumq; affectio: & relatio.

SVNT & aliae relationes: quæ non necessario existunt posito fundamento: siquidem esse fundamenti non necessario coexigat extremitum: ut relationes similitudinis & æqualitatis: non enim posito albo iam ponitur similitudo: cum non necessario album alterum ponatur. Est tertium relationis genus: quod ipsum etiam positis fundamento, & extremo, non necessario ponitur: sed potest poni, vel non poni: Quandoquidem esse vnius non coexigit esse alterius: hoc genere continentur omnes relationes vnionum & coniunctionum absoluti cum absoluto: positis enim extremis potest fieri coniunctio, vel non fieri.

INTEREST autem inter hoc postremum genus: & illa duo priora quo-

niam hoc postremum genus extrinsecus accedit: nempe quod acquiratur, nullius rei absolutæ acquisitione: quæ sit relationis fundamentum, sed actio vnitiva ad solam vniōnis relationem terminatur. Illa vero duo priora relationum genera intrinsecus adueniunt: quo efficitur, ut non possint acquiri, nisi recenti rei absolute acquisitione: idq; vel motus: vel mutationis interuentu.

HINC iam constat argumentorum dissolutio: non enim omnis relatio est consequens acquisitionis alicuius rei absolute nouæ, ut satis declarant tertij generis relationes. Aristoteles autem differit de relationibus primi secundi generis, quæ intrinsecus adueniunt: terminatq; motum: vel mutationē non primo. Ad hoc genus pertinet sex illę postremę categorię: Etenim ubi, cum respectus sit quidam, non primo motum localem terminat. Hæc est Scotis sententia.

HÆC porrò Scotti sententia refellitur hoc pacto: omni actione, motu ac mutatione acquiritur aliquid esse: aut igitur absolutum, aut relatum: non relatum: igitur absolutum, omnino igitur relatio consequitur aliquid ab-solutum esse recens acquisitū: nulla igitur relatio immediate actionem terminat: alteram deiuncti partem ita ostendo: nāquod acquiritur motu mutatione: aut est substantia, aut quantitas, aut qualitas, aut locus: hæc autem sunt in absolutis: nullum igitur esse relatum motu, mutatione imme-diate acquiritur.

CONTRA nobis obijcit Scotus, ubi acquiritur motu: at ubi non signifi-cat formam absolutam, sed respectiuā: forma igitur aliqua respectua imme-diate motu acquiritur. Respōdemus aduersario id primo terminare motū, quod primo motu acquiritur: at locali motu primo acquiritur locus: locus igitur primo localē motū terminat: cōsecutio et tamen quādā acquiritur ubi, nam cū id quod mouetur locum obtinuit: cōsecutumq; est esse in loco, tum relatio quædam existit incorpore loci regione definito ad locū definientē, cōtinētemq;: Quo efficitur, ut illa loci ad rē quę cōtinetur loco, affectio & relatio, & contra, nouū esse consequatur, esse videlicet in loco.

ADDE quia fieri nullomodo potest ut aliquid ad aliud re ipsa sit affectum: quin aliter & ipsum in se ipso habeat: nam quod omnino in se eodem modo habet: qui fieri potest ut sit ad aliud re ipsa affectū? At qui aliter ipsum in se ha-bere non potest, nisi acquisitare aliqua absoluta: omnis igitur cuiusque ad-aliiud relatio, absolutū aliquod esse nouū consequitur.

ITEM neq; actio vnitiva immediate terminatur ad relationem vniōnis:

nam

nam aetione vnitiva aliquod esse nouum acquiritur absolutum immedia-  
te: non igitur acquiritur immediate ipsa relatio. Antecedens illud apertissi-  
mè declarant omnes coniunctiones: nam cum albedo corpori coniungi-  
tur, acquiritur esse album: cum animus corpori iungitur, acquiritur esse vi-  
uum: hec autem in absolutis sunt, non in relatis, vt satis constat: distra-  
ctis autem extremis conseruatisque, illa essendi genera amittuntur, scili-  
cket esse album, & esse viuum: & variatis secundum numerum extremis:  
atidem secundum numerum euariantur: nam si albedo per se existeret, pos-  
setque sine sui interitu auelli à re cui coniungitur, alteraque albedo illi eidē  
rei adiungeretur, res illa esse album consequeretur à priori numero dif-  
ferens.

**E**X hisce iam multa conficimus ad propositæ quæstionis explicationem  
valentia: in quibus illud est primum. Relationem vunionis Verbi ac na-  
turæ humanæ nequaquam in ipsa natura humana fundari immediatè;  
vt visum est Ioanni Scoto, sed consequens esse aliquod absolutum esse no-  
uum coniunctione extermorum, siue aetione vnitiva acquisitum: siqui-  
dem ostendimus nullam relationem posse esse immediatum terminum  
actionis.

**S**CISCITABERE quod nam sit illud esse absolutū nouum coniunctionis  
aetione acquisitum? Dicimus illud esse aliud nihil, quam esse hominē: ver-  
bum enim Dei assumptione humanæ naturæ consecutum est, vt esset ho-  
mo: quod quidem essendi genus est in substantijs: siue vt apertius loquar,  
est substantiale. Ad hoc igitur esse substantiale assumptio siue coniunctio ter-  
minata est: hoc ipsum efficit relationem vunionis: hoc ipsum amitti potest  
extermorum distractione, quemadmodum corundem coniunctione effi-  
cit: hoc idem recens natum est. Non enim ab eternitate Dei filius extitit  
homo: estque fundatum proximum huiusc vunionis: nam vnitas personæ  
est fundatum remotius.

**S**ECUNDО conficimus illud nouum esse, vunionis relationem efficiens,  
esse verbo coniunctum: id quod vel hinc maximè liquet, quia esse homi-  
nem consistit in compositione suppositi & naturæ: est igitur esse hominem  
diuino supposito coniunctum: quod ipsum varium esset supposito cuariato: nō  
enim iam esset idem numero esse hominem, quæadmodum neq; idem nu-  
mero homo: propter hypostaseos euariationem.

**T**ERTIO colligimus illud absolutum, esse in substantijs: esseq; idem huic  
homini qui est Christus: ac proinde, si Verbum diuinum humana fere na-

tura exueret & spoliaret, maneret quidem eadem numero humana natura: non tamen idem numero hic homo: sed alius iam foret hic homo in humana natura subsistens. Quocirca hac distractione effecta, vniōnis relatio minime remaneret.

**QVARTO** illud concludimus relationem vniōnis esse verè relationem, ac cum cæteris essentia & ortu consentire, nulla siquidem relatio per se primo efficitur, sed nouum esse absolutum consequitur: sic autem habet relatio vniōnis, quemadmodum satis superq; docuimus. Hæc fere ex Caietano **Caiet. 3.** decerpsumus: quæ nobis vehementer probatur. Ceterū de assumptionis huius **p. q. 2. ar. 3.** diuinæ extremo, paulo post latius ac fusius differemus.

**EXPENDE** igitur in hac sacratissima vniōne tria. scilicet naturam humanam: & diuinam: intimam earum inter se coniunctionem: quæ posita est in unitate personæ, & esse: ipsam vnius ad alteram depéndentiā relatiuā: Ex quo iam efficitur, ut incarnari, sit depéndentiā suppositalē humanæ naturæ sustinere, ac terminare, idq; primo: nā secundario incarnari, est depéndentiā relatiuam naturæ assumptæ ad personam assumentē terminare.

**Greg. 1.** SVNT qui nullam huiusmodi relationem vniōnis ponant, distinctam ab **fet. d. 27.** extremis vnitis: verbo. scilicet & humana natura: sed vniōnem nihil esse aliud affirmant, quam naturam humanam & verbum vnitam, non per aliquod medium, sed ratione quadam homini incomprehensa. Nititur autem hæc opinio hoc vel maximè fundamento: quia denominatio nihil significat adiunctum extremis denominatis: Quo efficitur ut vniō nihil significet adiunctū extremis vnitis. Item similitudo nihil adjicit extremis similibus: sed significat res ipsas similes.

**QVOD** tamen fundamentum esse falsum hinc p̄spici vel maximè potest, quia si ita res haberet nihil interest inter abstractum, & cōcretum: interest autem plurimum: nam abstractum formam ipsam duntaxat significat: cōcretum vero eandem formam significat, interim rem formæ subiectā cōnotās: quæ ipsa rediunguit à forma denominante: non est igitur idem paternitas & pater: similitudo & simile: vniō & vnitam.

**ADDE** quia quæcūq; sunt eadem re, eandem attributionem recipiūt: quod enim in vnum conuenit, & in alterum: at forma denominans, & res denominatae non recipiūt eandem attributionem: nō igitur sunt vnum & idem. Assumptio hinc liquet, quia aliquid attribuitur similibus extremis, quod ipsum non attribuitur similitudini: similia enim dicuntur alba, similitudo autem ipsa non dicitur alba: sed consensio in albedine. Adeundem etiam modū

modum extrema vñita in Christo dicuntur Deus & homo: at vñio ipsa non dicitur Deus & homo: est igitur vñio, aliqua entitas distincta à rebus vnitis.

HANC porro entitatem Thomas, Scotus, Ochamius, Durandus: &cæteri Theologi horum studiosi in relatis ponendam esse statuūt: soli Gabrielius sum est, hanc vñionem esse entitatem quandam absolutam: nempe quæ sit quædam qualitas humanæ naturæ diuinitus tributa: cuius interuentu eadem natura esse et a est idonea, quæ à verbo assumeretur: quæ ad diuinam Verbi personam dependeret. Ita de Gabrielis sententia, vñio illa personalis quatuor declarat, scilicet diuinam naturam: humanamq;: intimam ipsarum præsentiam: donum illud supernaturale infusum, cuius interuentu natura humana & perficitur, ornaturque: & diuina Verbi hypostasi subnittitur, ac sustentatur. Dicitur autem illa qualitas naturæ humanæ cœlitus tributa gratia vñionis: gratia quidem quia diuino munere est humanæ naturæ concessa: vñionis vero, quia est id, quo formaliter constat illa vñio: ac proinde non potest inesse in natura humana, nisi sit assumpta.

Gabr. 3  
sent. d. 1  
q. 1. ar. 1.

HANC huius Theologi sententiam expendemus: cum de gratia vñionis disputauerimus: illud sit persuasum, vñionem non esse formam aliquam absolutam: sed relatum, in natura humana inhærentem, & in personali vñitate fundatam.

### Quæstio. XI.

*Vtrum relatio vñionis sit relatio æquiparantie?*

RELIQVA est illa quæstio: qualis videlicet sit huiusmodi relatio? D. Thomas hac de re non sibi constat: nam tertio Theologiæ libro hanc relationem, æquiparantie relationem esse tradit: siquidem vtrūq; extremū denominet: nam vt humana natura dicitur vñita diuinæ: ita & diuina ē contraria dicitur vñita humana naturæ. Cæterum alibi negat vñionem esse in relatis quæ dicuntur æquiparantie: siquidem natura humana, & diuina nō codem modo sunt affectæ in hac vñione. Etenim nā humana refertur ad Verbi personam, cui iungitur hypostaticc, reipsa: At verbum ipsum refertur ad naturam humanam sibi coniunctam, ratione duntaxat: & intelligentia. Hęc eadem sententia probata est, Thomę Augustiniano: quandoquidem relatio æquiparantie mutuam parēq; in vtroq; extremo affectionem: & de-

Thom.  
3 p q. 2.  
ar. 8.

Thom. 3.  
sent. d. 5.  
q. 1. ad. 2.

Tho. ar.  
g. 3. sen.  
d. 5. q. 1.  
ar. 4.

*Natura*  
pendentiam requirat: hæc autem natura parq; dependentia, vt cernarūt in  
vnione coniunctione cœcreaturæ cum creatura, non tamen in coniunctione  
creatüræ cum creatore.

*Scot. 3.  
sent. d. 1.  
q. 1.  
ar. 1. 2. 3.* IOANNES Scotus ob eandem rationem hanc, de qua differimus, vñionis  
relationem, negat esse relationem æquiparantiæ: namq; huic relationi in al-  
tero extremo: scilicet in verbo nulla, vel certe nulla relatio realis respondet.

Quocirca hanc relationem, disquiparantiæ relationem esse confirmat, quā  
eandem appellat relationem ordinis, siue dependentię: Etenim humana  
natura ordinem quendam habet ad diuinam personam: ex ipsaq; dependen-  
tiani sortitur, non quidem dependentiam effectus ex causa, sed dependen-  
tiam vt extermino: humana siquidem natura affecta est ad verbum, cœu ad  
suppositum personans & sustentans ipsam naturam humanam in se, idq;  
vnitatem personæ. Est igitur relatio vñionis, relatio disquiparantiæ, ordinis &  
dependentię vnius extremitati ad alterum, cœu ad hypostasim externam, qua  
illud extremitum subnititur, ac sustentatur. Hæc nobis sententia probatur.

*Caiet. 3.  
p. q. 2. ar.  
8.* CAIETANVS cupiens dissidentes hasce intersc sententias conciliare, ad-  
hibuit huiusmodi distinctionem. Relatio vñionis potest accipi duobus mo-  
dis: uno modo secundum formalem rationem, altero modo, secundum esse  
reale: priori modo est relatio æquiparantiæ, posteriori non item: siquidem  
in sola natura humana habet esse: in verbo autem estens rationis solum: re-  
latio vero æquiparantiæ que affecta est ad utrumq; extremitum, &c.

EXISTIT tamen hoc loco haud contemenda dubitatio: nam si relatio  
vñionis est ens rationis in verbo: sequitur Verbi personam non esse huma-  
næ naturæ realiter vñitatem: sed intellectu solum: & ratione: quod tamen fal-  
sissimum est, & fidei, religioniq; nostræ contrarium: illa siquidem vñione  
esse stū est, vt & homo esset Deus vere, ac realiter: & Deus itidem esset ho-  
mo vere & realiter: Porro vim consecutionis ita confirmo. Quo pacto  
quicque affectum est ad vñionem: eodem modo se habet ad esse vñitum: at  
vñio in verbo est ens rationis: est igitur vñitum humanæ naturæ ratione dū-  
taxat.

*Scot. 3.  
sen. d. 1.  
q. 1. ar. 2.* Ioannes Scotus non diffitetur verbum esse vñitum humanæ naturæ  
vñione rationis, vel certe nulla vñione: siquidem in verbo nulla sit omnino  
ad assumptam naturam dependentia: sed verbum eatenus dicitur vñitum  
humanæ naturæ, quatenus terminat dependentiam naturæ humanæ. Eadē  
*Thom. 3. P. q. 2.  
ar. 7. ad. 1.* est D. Thomæ sententia: vt satis declarat primi argumenti explicatio libr. 3.  
q. 2. ar. 7. sic enim inquit. Hæc vñio non est in Deo realiter, sed secundum  
rationem tantum, dicitur enim Deus vñitus creaturæ, ex hoc quia creatura

est vñita Deo: ita de sententia D.Tho. Deum vñiri creaturæ est aliud nihil, quam terminare relationem vñionis naturæ assūptæ ad ipsam personam Verbi. Nulla ergo relatio: nulla dependentia est in verbo, sed terminat dūtaxat relationem vñionis: & dependentiā suppositalem.

**OBIICI** cōtra potest, nam vnitum dicitur vñione vnitum, id igitur in quo nulla est vñionis relatio, non est quod dicatur vnitum: at in verbo nulla est vñionis relatio: non est igitur vnitum. Respondemus esse vnitum capibifariā, formaliter, scilicet & terminatiū: illud dicitur vnitū formaliter, quod est vñione reali vntium: Terminatiue verò, quod relationem vñionis rei vni tæ terminat: priori modo verbum non dicitur vnitum: posteriori vero modo dicitur vnitum.

**CONTENDET** tamen adhuc aduersarius hanc incomprehensibilem: et inenodabilem vñionem euerteret: Nam si verbum vñione reali non est humanae naturæ vnitum: non igitur est eidem realiter vnitum: Dicimus realiter vñiri, accipi duobusmodis posse, uno modo vt idem valeat quod relatione reali vñiri: altero modo vt idem significet quod esse indiuisum supposito: & esse: priori modo diuinum Verbum non est vnitum realiter, posterioritatem modo est reipsa humanæ naturæ coniunctum: nam diuina illa persona non terminat quoismodo relationem vñionis humanæ nature ad ipsam, sed vt vna personaliter cum humana natura: ac proinde ob hanc in persona & hypostasi vnitatem Verbum Dei dicitur vere ac realiter humanæ naturæ coniunctum. Hęc mihi videtur huiusc questionis quamfacilius explicatio.

## Quæstio. XII.

### Quid differat vnio, ab assumptione?

**E**X hisce quę haec tenus docuimus intelligi potest, interesse plurimum iter vñionem & assumptionem: Nam vnio relationem: & habitudinem significat. Assumptio vero actionē, & passionem, actionem inquā ex parte assumentis: passionem vero, ex parte assumpti. Est enim assumptio aliquius ad se sumptio: ita assumptionis verbo, & actio assumentis: & assūpti passio continetur. Accedit, quia vnio: & assumptio reipsa sciunguntur, neq; enim se se mutuo ponunt. Est enim vnio citra assumptionē: neq; enim automne vniens est assumentis: aut omne vñitum est assūptū: nam pater

eternus

æternis humanam naturā coniūxit filio: non tamen humanā naturā assumptis: item diuina natura humanæ dicitur vñita non tamen assumpta. Ita sit ut latius pateat vñio quam assumptio.

ITEM assumptio ad vñionem comparatur: Est enim assumptio quasi via, vñio verò ceu terminus: terminatur enim assumptio ad vñionem, non pri-  
mo tamen, sed quadā consecutione: vt paulo post docebimus. Adde his quia vniens sibi quicquam, eidem dicitur vnitū: at assumens, quātumuis ad se sumat nunquā dicitur assumptū.

PRÆTEREA assumptio vtrunq; extremum, agens scilicet & patiēs in-  
dicat. Est enim assumptio alicuius ad se sumptio: vñio verò nihil huiusmo-  
di indicat: coniunctionem enim duorum solum declarat, nullam interim inter vtrunq; differentiam connotans. Quocirca vñio sine ullo discrimine attribuitur extremis, vtrūq; enim extremū dicitur vnitum: assumptio vero non tribuit appellationē eque ac consimiliter vtrīq; extremo. Etenim vñū dicitur assumens: alterum assumptū.

SEI VNGVNTVR igitur vñio & assumptio re, & ratione: vt satis de-  
clarant posita discrimina: idq; vel ex eo maximè ostenditur, quia vñio est relatio consequens assumptionē: iam vero relatio re ipsa distinguitur à mo-  
tu actioneuè, cuius est consequens.

### Quæstio. XIII.

*Quod nám sit assumptionis immediatum extremū?*

**Q**VONIAM verò de assumptionis immediato extremo summa apud Theologos solet esse disceptatio, suscepτæ quæstionis ratio postulat, vt hanc ipsam disceptionem exponamus: quæue sit vero similiorsententia doceamus.

**Thom.** SVNT qui diuinam hypostasim immediatum assumptionis terminum  
**3. P. q. 2.** esse asserant: nam assumptio est naturæ humanæ ad diuinam Verbi perso-  
**ar. 8.** nam assumptio: ita scilicet vt Verbum in ipsa subsistat: assumptionis igi-  
**Item. q.** tur extrellum à quo, est humana natura, extremū vero ad quod, diuina Ver-  
**3. ar. 1.** bipersonalitas.

**Scot. 3.** ALIIS contra visum est: Ioannes enim Scotus, & Durandus putauerunt:  
**sent. d. 1.** Assumptionē primo & immediate terminari ad vñionem: Ac Scotti qui.  
**q. 1.** dem sententiam iam supraexplicauimus: reliquum est vt Durandi senten-  
**Du. 3. s.** tiā  
**d. 1. q. 1.**

scilicet

naturam

ad hanc

etiam

LIBRI SECUNDI PRÆLECT. QUÆSTIO. XIII.

**Nota.** diuina personalitate in assumpta: tamen ad terminum ad quem. Nos autem loquimur de termino actionis & passionis: quæ assumptionis nomine declarantur: est autem ista diuina personalitas subsistens in natura humana: siue quod idem valet, Deum esse hominem.

**Argen.** THOMAS Augustinianus medium sese inter hos duas sententias interponit. Neque enim inquit, aut diuina persona absolute: neque unitio absolute est terminus assumptionis: sed in termino assumptionis utrumque continetur. Etenim diuina persona ut unita humanæ naturæ est assumptionis terminus. Atqui & si persona præcise præexistit assumptioni, non tamen persona ut unita: sed per assumptionem effecta est unita: præintelligitur tamen assumptionis unitio: namque prius natura intelligitur humanitas assumpta, quam unita. Ad eundem modum, locus absolute ut præexistat motui, non tamen ut circumscribēs mobile: sic enim acquiritur. Si diligenter Caetani, & Thomæ Augustiniani sententias expendamus, comprehiemus eas non esse disidentes: Nam Deum esse hominem, idem est, quod diuina persona ut unita humanæ naturæ, &c.

**QV**Ocirca illud afferendum est, immediatum assumptionis terminum, esse diuinam personam ut unitam: siue diuinam personam ut subsistentem in humana natura: siue Deum hominem: qui ipse est fundamentum relationis unionis: haec siquidem relatio consecuta est id ad quod primo assumptionis terminata est. Cæterū terminus unionis, siue dependētiae suppositalis naturæ humanæ, est diuina hypostasis ut una personaliter cum natura humana: interuentuque huius termini, relatio unionis largitur homini esse Deum.

**NOTANDVM** tamen est diligenter, quod cum de coniunctione naturalium, diuinæ scilicet & humanæ, loquimur, naturas ipsas ut extrema sumimus: at unitatem personalem utriusque naturæ unionis subiungimus ut fundamentum. Cum vero de unitione naturæ cum diuina persona loquimur: tum unitatem personalem ut terminum unionis ponimus: fundamentum autem est id, ad quod consecuta est huiusmodi unitas personalis: hoc vero est, diuinam personam esse unitam naturæ humanæ, indecēnī profectū est, ut una persona in duabus naturis subsisteret. Ac de relatione unionis haec ten-

**Nota  
magno-  
perc.**

Quæstio. xiii.

*Fuerit ne haec sacratissima unio per gratiam effecta?*

AD

**A**nd qualitatem etiam huiusc, quia de agimus coniunctionis pertinet & illaqua<sup>st</sup>io: qua qu<sup>o</sup>ri consuevit, Utrum vno incarnationis per gratiam fuerit effecta? Certe sanctissimus ac doctissimus Augustinus, multis locis restatur hanc sacratissimam coniunctionem fuisse Dei gratia effectam. Etenim 14. de Trinitate libro, ita ait. Cum lego, verbum caro factum est, & habitavit in nobis: in verbo intelligo verum Dei filium: in carne agnoscere verum hominis filium: & utrūq; simul in unam personam Dei, & hominis, ineffabiliter gratiae largitate coniunctum. In rebus enim per tempus ortis summa gratia illa est, quod homo in unitate personae coniunctus est Deo. In eo præterea, quem de predestinatione sanctorum scripsit libro, in eadem sententiam loquitur in hunc modum. Ea gratia fit ab initio fidei suæ homo quicunq; Christianus: qua gratia homo ille ab initio suo factus est Christus: est igitur de sententia Agustini homo ille effectus Christus per gratiam. Alibi inquit quicquid conuenit filio Dei per naturam: conuenit filio hominis per gratiam: at filio hominis conuenit esse Deum: conuenit igitur id ipsum illi per gratiam.

HANC porro Augustini multis locis explicatam sententiam: illa vel maxime ratio confirmat: quia maior & mirabilior quædam res est, hypostatica cum verbo naturæ creatæ coniunctio, quæ illa quæ cognitionis & amoris interuentus fit animorum cum Deo copulatio: at hęc cum Deo per amore coniunctio: non potest non fieri per gratiam: multo igitur magis vno hypostatica, gratię interuentu conciliatur.

**H**ÆC quæstio positad distinctione explicatur hoc pacto. Gratię appellatione duo continentur, & ipsa voluntas Dei gratuita, hoc est, gratis aliquid donans, aut efficiens: & ipsum met donum munusque gratis creature tributum. Vtq; modo D. Paulus verbo gratię vtitur: ac priori quidem significatio ne usus est, cum dixit. Gratia Dei vita eterna. i. vita eterna pīs mentibus diuino munere ac bene fidentia donatur. Adeandē etiam significacionem referenda est illa sententia alibi posita: Gratia Dei estis saluati, id est, diuinā benignitate & munificentia. Ad posteriorem verò significationem

pertinet ille locus. Gratias ago Deo meo semper pro uobis in gratia Dei quæ data est vobis in Christo IESV: quod in omnibus diuites facti estis in illo: in omni verbo, & in omni scientia, ita ut vobis nihil desit inulla gratia spirituali, id est, abundetis diuinis muneribus Dei vobis benignitate tributis. Hoc porro diuinum munus gratis in hominem collatum: aut hominem gratum efficit, diciturq; gratia habitualis: est enim quidam habitus homi-

Rho. 6.

Ephes. 2.

1. cor. 1.

nis